

NY FIJOROANA VAVOLOMBELONA

TENY AMBONIN'NY RANOMASINA

♪ Alohan'ny hanondrehantsika ny lohantsika ho an'ny vavaka, dia tiako ny hamaky sasantsasany amin'ny Tenin'Andriamanitra. Tiako foana ny mamaky Ny Teniny; satria ho diso ireo teniko, an'olona izy ireo, saingy Ny Teniny tsy mety ho diso. Ary ianareo izay manohy manaraka ny lahateny, sy ny sisa, dia ndao isika hamaky avy ao amin'ny Matio ny toko faha-14, izao hariva izao, manomboka amin'ny andininy faha-22.

Ary niaraka tamin'izay Jesosy dia nanery ny mpianany hiditra tao anaty sambo, ka handeha eo alohany ho eny am-pita, raha mbola nampirava ny vahoaka betsaka izy.

Ary rehefa nampirava ny vahoaka betsaka izy, dia niakatra teo amin'ny tendrombohitra iray hitokana hivavaka izy: ary rehefa...tonga ny hariva, dia nitoetra irery teo izy.

Fa rehefa teo afovoan'ny ranomasina ankehitriny ny sambo, dia natopatopan'ny onja: satria nanohitra ny rivotra.

Ary tamin'ny fiambenana fahefatra amin'ny alina dia nankeo amin'izy ireo Jesosy, nitsangatsangana teny ambonin'ny ranomasina.

Ary rehefa nahita azy nitsangatsangana teny ambonin'ny ranomasina ireo mpianatra, dia raiki-tahotra izy ireo, ka nanao hoe, Matoatoa io; dia niantsoantso nohon'ny tahotra izy ireo.

Fa niaraka tamin'izay dia niteny tamin'izy ireo Jesosy, ka nanao hoe, Aoka ho mahery tsara; izaho ity;aza matahotra.

² Ndao isika hanondrika ny lohantsika ankehitriny ho an'ny vavaka. Raha mbola miondrika eo anatrehan'Andriamanitra ny lohantsika sy ny fontsika, dia misy ilaina ve ato amin'ny tranobe, izao hariva izao, ka tianareo hampahafantarina an'Andriamanitra, amin'ny alalan'ny fananganana ny tanganareo, ka ho tsarovana ao amin'ny vavaka? Hijery anareo anie ny Tompo, hamindra fo amintsika.

³ Rainay any An-danitra, miditra ao amin'Ny Fanatrehanao izahay ankehitriny, amin'ny fomba sy ny Anaran'ny Tompo Jesosy. Mahafantatra, miaraka amin'ny antoka voatahy, fa Izzy no nampantanena anay, raha "hangataka zavatra" amin'Ny

Anarany izahay, dia hanaiky an'izany ho anay Ianao. Tena mankasitraka izahay ny amin'izany. Ireo teny dia tsy afaka maneho ny fomba izay tsapanay mikasika an'izany, miaraka amin'ny antoka izay anananay, hoe mihaino anay Ianao izao ankehitriny izao.

⁴ Hitanao ireo tānana ireo, Tompo. Ianao no mahafantatra izay ilain'izy ireo. Ianao no faratampon'ny fahalalana, faratampon'ny hery, Andriamanitra tsi-manam-petra, ary fantatray fa Ianao no mahafantatra ny fon'ny olona. Fantatrao ny eritreritray. Talohan'ny niforonanay mihitsy aza, dia efa Fantatrao ny eritreritra rehetra izay hany nanananay, satria tsi-manam-petra Ianao.

⁵ Ary mivavaka izahay, Tompo, amin'ity ora ity, raha mipetraka eo Aminao ny fanirianay, mijere avy any Andanitra, Tompo, ary raiso ny fangatahanay ho ao amin'ny Fonao Manokana, Tompo, ary valio izahay araka ny Harenanao ao amin'ny Voninahitra. Omeo anay ny fanirian'ny fonay, matoky fa izany no Sitraponao Masina. Ary fantatray fa Fifalianao tsara ny manao ny Sitraponao.

⁶ Omeo anay ny fandrotsahana lehibe an'Ny Fanatrehanao, izao hariva izao, indray Tompo. Sitrano ny marary. Vonjeo ny very, atsangano ireo izay maty ao amin'ny fahotana sy heloka, ka ento ho amin'ny Fiainana vaovao iray izy ireo, izao hariva izao. Enga anie izahay hahita an'i Jesosy. Mangataka an'izany amin'Ny Anarany izahay. Amena.

⁷ Afaka mipetraka ianareo. Miala tsiny izahay fa tsy afaka mikarakara ny olona, ho an'ny fahaizana mametraka. Fa, hatramin'ny hariva voalohany, dia milaza izy ireo fa tsy maintsy namerina vondrom-bahoaka betsaka, noho izany dia miala tsiny izahay ny amin'izany. Ary Rahalahy Grant dia tsy mbola nahavita tsara mihitsy ny fanorenana efitra iray hafa, ihany koa, eo... Mino aho fa eo amin'ny ankavia no hanakisahany an'io fizarazarana io. Ilay sarobidy, rahalahy sarobidy dia nanontany ahy androany raha hanao an'ity ho zavatra isan-taona aho, hiverina eto Dallas, ao amin'ny fiangonany. Ny fanasana lehibe iray tahaka an'izany, ao amin'ity ora ity, izay hikatonan'ireo varavarana tena haingana, nefo ilay lehilahy avy eo dia mila ahy hiverina ka hanao an'ilay izy ho zavatra isan-taona, raharaha. Mankasitraka an'izany aho.

⁸ Efa nanana fotoan'ny fiombonana iray niaraka tamin'izy ireo aho aninkeo maraina, niaraka tamin-dRahalahy Gordon Lindsay sy ny maro tamin'izy ireo. Rahalahy Pearry Green, izay mpanohana an'ilay favoriana izay ho avy any Beaumont, mipetraka eto aoriako eto izao hariva izao. Ary maro, ireo sakaizantsika, Rahalahy Don sy ny vadiny. Tena faly isika manana azy ireo eto. Ny Tompo hitahy azy ireo.

⁹ Ankehitriny, izao hariva izao, izao fotsiny... Efa niezaka nanao an'ireo Hafatro ho tena tsotra arak'izay vitako fotsiny aho, ka na dia ny ankizy iray aza dia mba afaka hahazo azy ireo.

¹⁰ Rahampitso tolakandro dia fotoana evanjelistika iray, ary maniry aho mba hahafahanareo rehetra ho tonga.

¹¹ Ankehitriny raha manana fotoana ianareo any amin'ny fiangonanareo manokana, nahoana, ianareo—mijanòna ianareo any amin'izay—any amin'izay ifaharanareo. Tsy tianay ny olona iray hiala amin'ny fiangonany manokana, mba... Ary amin'izay fotoana izay raha marary ianareo ka te-ho tonga mba hivavahana, nefà manana fotoana ny fiangonanareo rahampitso tolakandro, dia mitenena amin'ny pasiteranareo mikasika an'izany, mba tsy hieritreretany ratsy, fantatrareo. Aoka ho fantany fa eto izahay ao amin'ny fiaraha-miasa, mba—mba hanampy an'ilay Vatan'i Jesosy Kristy manontolo izay mivahiny eto Dallas sy ny manodidina.

¹² Noho izany, rahampitso tolakandro, heveriko, amin'ny roa sy sasany, dia hiresaka Hafatra evanjelistika iray aho. Ary hivavaka ho an'ny olona marary rehetra izahay avy eo, haka an'ireo karatra fangataham-bavaka rehetra sy ny sisa izay tavela nandritry ny herinandro, ka hivavaka ho azy rehetra ireo rahampitso.

¹³ Ankehitriny ny lohahevitro izao hariva izao dia mitovy kokoa amin'ny tantara an-tsehatra kely iray, mandritry ny fotoana vitsy fotsiny. Ary hiezaka aho ny haka betsaka arak'izay vitako izao hariva izao, eo amin'ny fivavahana ho an'ny marary. Ny lahateniko dia, "aza matahotra, Izaho ity," Jesosy no miteny. Ny lohahevitro dia: *Ny Fijoroana Vavolombelona Teny Ambonin'Ny Ranomasina*.

¹⁴ Tsy maintsy ho efa saiky tara ity tamin'ny tolakandro iray, tsy maintsy ho efa nilentika ny masoandro rehefa niseho ity, ary ankehitriny dia tsy maintsy ho andro nahamay iray saiky tahaka an'ity eto ity izany.

¹⁵ Tsy mandeha ilay milina mpanome rivotra mangatsiaka, ary eo am-panamboarana an'izany izy ireo. Izany no antony nanovako ny lohahevitro avy teo, izay saika ho resahako, mba ahafahako ho haingana amin'izany, mba tsy hahavoatery anareo hipetraka ao amin'ny hafanana tahaka an'izao.

¹⁶ Ity mpanjono goavana ity, rehefa avy nahita an'izay hitany nandritry ny andro, dia nandinika an'i Jesosy tao amin'ny Asam-panompoany lehibe.

¹⁷ Ho tiako ny ho velona tamin'io andro io, mba hanaraka Azy. Saingy, fantatrareo, faly aho fa mbola nanana tombontsoa hanaovana an'ilay zavatra iray ihany, mandinika Azy manao an'ireo zavatra. Ary lehibe kokoa ny mandinika Azy amin'izao andro izao nohon'ny tamin'izany fotoana izany. Manana finoana Azy kokoa aho ankehitriny, ary afaka hanana finoana kokoa

ankehitriny nohon'ny azoko nananana tamin'izany fotoana izany, satria nanana roa arivo taona isika hanaporofoina fa marina ny Filazantsara. Ary taorian'ny roa arivo taona, dia mbola velona foana Izy, manao mihitsy an'izay Nataony tamin'izany fotoana izany, noho izany dia manana antoka iray lehibe isika ary fanorenana iray amboniny ho an'ny finoana ankehitriny nohon'ny nananan'izy ireo tamin'izany fotoana izany.

¹⁸ Satria, Izy dia Lehilahy iray fotsiny nandeha niaraka tamin'ny filazana anankiray fa-fa nirahina avy tamin'Andriamanitra Izy ary Zanak'Andriamanitra, ary nanamarina Ny Teniny nampanantenaina ho an'izany andro izany Andriamanitra, tamin'ny Alàlany, nefà nanana antony hisalasalana an'izany foana izy ireo. Ireo teolojiana, izany izy ireo! Ary mahamarika ianareo fa zavatra mampahonena iray izany, tena mampahonena, satria tokony ho nino an'Izany ireo teolojiana ireo raha tsy nanajamba ny mason'izy ireo Andriamanitra. Ny Baiboly no niteny an'izany.

¹⁹ Ary fantatrareo ve fa nampanantena Izy hoe hanajamba ny mason'izy ireo indray Izy amin'izao andro izao, mba tsy hahitan'izy ireo an'Izany? Izy ireo dia ho "kirina, mpieboebo, tia ny fahafinaretana mihoatra nohon'ny fitiavana an'Andriamanitra, mpanontolo fo, mpanendrikendrika, tsy mahonom-po, tsy tia ny tsara; manana ny endriky ny toe-panahy araka an'Andriamanitra, nefà handà ny Heriny." Teny fikasana iray miverina indray marina tokoa. Ary tsy afaka manao afatsy ny mitsetra ny olona fotsiny sisa ianareo, fa efa jamba eo amin'ity andro ity ny mason'izy ireo. Miaraka amin'ireo Soratra izay nampanantenain'Andriamanitra fa hiseho mihitsy ao amin'ity andro ity, ao amin'ity ora ity, ary mijery an'izany mihitsy isika ka mandinika an'ilay izy. Fa mijery ny olona avy eo, dia manifikifika ny lohany ary miala, manao hoe, "Tsy mahita an'Izany aho." Zavatra iray mampahonena izany, kanefa tsy maintsy tanteraka ny Soratra. Tsy maintsy tahaka an'izany ilay izy.

²⁰ Noho izany dianofidian'Andriamanitra ireto mpianatra ireto. Efa voamarikareo ve, Jesosy no niteny tamin'izy ireo hoe, "Talohan'ny fanorenana an'izao tontolo izao," dia nifidy azy ireo Izy, ary voan'Andriamanitra iray voatendry izy ireo. Izany no antony hoe rehefa tonga ny olana, ka toy ny hoe noteren'ny olona i Jesosy, teo amin'ny fanontaniana iray, dia tsy nisy ny fanontaniana ho azy ireo. Tsy nety azon'izy ireo izany, saingy nanapa-kevitra izy ireo ny tsy hahafantatra na inona na inona hafa afa-tsy Izy. "Ianao irery no manana ny Tenin'ny Fiainana." Ary nanapa-kevitra izy ireo ny hijanona hiaraka amin'Izany, satria voatendry ho amin'io asa io izy ireo.

²¹ Ary toy izany koa amin'izao andro izao, hoe ireo lehilahy sy vehivavy, izay voatendry ho amin'ny Fiainana Mandrakizay, no

hanatona ny Fiainana Mandrakizay. "Izay rehetra nomen'ny Ray Ahy no hanatona Ahy." Izany No Teniny, ary tsy mety diso izany. Izany no—Tenin'Andriamanitra izany.

²² Ary hitantsika ireto mpianatra ireto ankehitriny, izay nanana fivoriana lehibe anankiray tamin'io andro io, tao amin'ny saha lehibe iray nanerana ny sisin'ny tendrombohitra iray. Ary niteny tamin'izy ireo Jesosy hoe, "Mandehana ianareeo ankehitriny miampita ny ranomasina mialoha, mialoha Ahy." Dia niakatra teo amin'ny tendrombohitra iray Izy, irery, ho an'ny vavaka. Ary ireto mpianatra ireto, rehefa avy nihaona tamin'ireo sakaiza, azoko eritreretina mihitsy hoe toy ny ahoana no tsapan'izy ireo.

²³ Satria, ny mihaona amin'ireo sakaiza, nefà avy eo dia tsy maintsy hisaraka amin'ireo sakaiza; amin'ny fotoana izay anombohanareo hifankahalalana mihitsy, avy eo dia tsy maintsy hifanao veloma. Ary izany foana no karazana aretim-po iray ho ahy, manerana ny firenena, manodidina an'izao tontolo izao, dia ny nihaona tamin'ireo sakaiza nefà avy eo dia mandoao azy ireny, mahafantatra fa misy maro izay tsy ho hitanareo intsony mandra-pihaonanareo amin'izy ireny any amin'ny Fitsarana. Karazana raharaha iray mampalahelo izany.

²⁴ Azoko eritreretina ilay sambo, niaraka tamin'ny—ny lohany niditra teo amin'ilay morona. Ary tsy maintsy i Simona Petera, miaraka amin'ireo sandry sy soroka feno hozatra lehibe, no nanosika an'ilay sambo hihodina ary nampandeha azy tao anatin'ny ranomasina. Ary nikopakopaka nanao veloma an'ireo teo amin'ny morona izy rehetra. Dia niantsoantso izy ireo hoe, "Miverena indray ka ento ny Mpampianatra hahita anay! Ary tongava hanao fifohazana hafa iray; tena voatahy izahay androany!" Ary nikopakopaka ireo sakaiza vaovao. Dia nihanika nankeo amin'ny sisa tamin'ireo mpianatra izy, ary nipetraka teo akaikin'ny rahalahiny angamba, Andrea, dia naka an'ireo fivoizana.

²⁵ Ireo—ireo sambo tamin'izany dia nandeha na tamin'ny alàlan'ny rivotra na tamin'ny alàlan'ny fivoizana izay nanosehan'izy ireo. Ary tamin'io fotoana io dia nipetraka roa isaky ny sambo iray angamba izy ireo, roa teo amin'ny sisiny iray, ary izy ireo dia...na roa teo amin'ny sezà iray, raha ny marina, angamba hazo fivoizana enina na valo. Indray manosika izy ireo, ary izany no fomba nahafahan'izy ireo nihazona an'ilay sambo amin'ny fitovian-danjany rehefa tonga ny tafio-drivotra. Amin'izay fotoana izay, rehefa mitsoka ara-dalàna ny rivotra, dia afaka mampakatra lain-tsambo iray izy ireo, dia misosa.

²⁶ Tsy maintsy ho tolakandro iray nahamay izany, raha ny fijery ny Soratra mialoha indrindra an'ity zava-mitranga ity, ary noho izany dia tsy maintsy ho tolakandro tena nangina izany, nibaliaka, nahamay. Teo am-pilentehana ny masoandro. Ary izy

ireo, raha nivoy izy ireo, dia namotsotra avy eo ka nikopakopaka nanao veloma an'ireo olona hoe, "Manantena indray ny hahita anareo indray andro any," raha niditra tao anatin'ny ranomasina izy ireo. Ary ilay filentehan'ny masoandro, sy ilay fidinan'ny andro hariva, ary afaka kelikely avy eo dia—dia tonga ny aizina.

²⁷ Ary tsy maintsy nandray hafainganam-pandeha tsara iray izy ireo teo amin'ny—ny fivoizana, ary izany no asa sarotra iray rehefa milentika ao anatin'ny ranomasina ireo fivoy lehibe mavesatra ireo. Fa ny ankamaroan'izy rehetra dia—dia mpanjono, ary lehilahy matanjaka be, zatra ranomasina. Ary noho izany raha teo am-piandrasana an'i Jesosy hiakatra tao anatin'ilay sambo izy ireo sy hanaraka azy ireo, tena tsy ho ela. Nahoana, niala teo izy ireo, ary tsy maintsy nisosasosa kely fotsiny; toy ny mamelonka kely ny sambonareo, ary avy eo dia mamela handeha.

²⁸ Tsy maintsy ho i Jaona tanora angamba no niteny voalohany, satria izy no tanora indrindra tamin'ilay vondrona. Ary tsy maintsy ho izy no nanao hoe, "Miha-reraka kely fotsiny aho. Ndao isika hisosasosa vetivety fotsiny. Andraso iray minitra, tsy voatery handeha haingana isika. Mbola tsy tonga Izzy, noho izany dia mety tsara amintsika ny miandry kely vetivety sady somary mba misintonia rivotra tsara."

²⁹ Ary raha nipeetraka teo izy niaraka tamin'ny lohany niondrika kely, dia tsy maintsy nanomboka favoriana iray an'ny fijoroana vavolombelona izy. Ary izany no tiako resahina. Tsy maintsy ho izy no nitsangana voalohany, ka nanao hoe, "Rahalahy, tsy mampaninona izay lazain'ny olona, ary firy ny olona tsy te-hino, izaho dia manana antoka tokoa ankehitriny, taorian'ny androany, fa tsy manaraka mpisandoka iray isika. Tsy manaraka na inona na inona afa-tsy Andriamanitra isika, satria tsy misy olona afaka hanao an'izay Nataony androany raha tsy Andriamanitra izy. Fantatrareo, rehefa naka an'ireo bisky Izzy ka namaky azy ireny, ary namahana an'io dimy arivo teo io, dia izany no zavatra nahagaga indrindra ho ahy. Mety nisy fanontaniana iray angamba hatramin'ny androany," ankehitriny mamerina ny fijoroany vavolombelona araka ny naha-izy azy fotsiny aho, "saingy nilamina hatreо izany."

³⁰ Hoy izy, "Afaka mahatsiaro aho taona maro lasa izay. Nipetraka teo akaikin'i Jordana aho taloha. Ary afaka mahatsiaro aho, raha mbola zazalahy kely iray, hoe ahoana ilay reniko tsara tarehy, Jiosy izay nitondra ahy, ny tolakandro, ka nametraka ahy teo amin'ny lohaliny ary nandrotsirotsy ahy, teo amin'ilay lavarangana, rehefa namony ireo voninkazo menabe nanerana ny sisin'ny moron'i Jordana. Ary njery teny am-pita nankany amin'ny tany efitra izy taloha, avy teo amin'izay nitondrana ny olontsika nandalo teo amin'io tany efitra io. Niteny tamiko an'ireo tantaran'ny Baiboly izy taloha. Ny iray tamin'ireo tantara malaza izay tsaroako, dia ilay

vehivavy Sonemita ary rehefa maty ilay zazalahy keliny, ka-ka nanangana an'io zazalahy kely io tamin'ny maty indray ilay mpaminany. Tantara iray nampientam-po izany taloha.

³¹ “Fa ny iray tamin’ireo tantara nampientam-po indrindra, ary notenenin’i neny tamiko taloha, hoy izy hoe, ‘Ankehitriny, ry Jaona, mbola zazalahy kely iray fotsiny ianao; saingy tiako ho tsarovanao, raha mitombo miha-lehibe ianao, fa, Jehovah lehibe no nitondra ny olontsika nivoaka avy tany Egypta, ary nandalo teo amin’io an-efitra ampitan’ny renirano teo io izahay. Ary ny rehetra nandrity ny efapolo taona, nivahiny tao amin’io an-efitra io izy ireo, tsy nisy toerana nividianana akanjo, ary tsy nisy toerana nihinanana. Fa nandraraka mofo avy tany andanitra Andriamanitra, isan-kariva, ary namoky ny olontsika tao amin’io an-efitra io, satria tao amin’ilay laharan’andraikitra izy ireo, nanaraka an’i Jehovah lehibe. Ary ankehitriny, indray andro any, dia ho tonga nofo eto an-tany eto Jehovah, ao amin’ny endrika Lehilahy iray, Izy dia hantsoina hoe ilay Anankiray voahosotra, ny Mesia.’

³² “Ary tsaroako,” hoy izy, “raha mbola zazalahy kely iray, ahoana fa zatra nisaintsaina ny sain-jazalahy keliko aho, niezaka nisaintsaina hoe, ‘Ahoana no namahanan’Andriamanitra azy rehetra ireo, olona roa tapitrisa sy sasany, tao amin’io an-efitra io? Ahoana no Nahazoany an’ireo mofo rehetra ireo?’ Ary nanontany an’i mama aho taloha hoe, ‘Mama, Izy ve, manana—manana andiam-patana goavana be ve Jehovah ao an-danitra ao, ka nanendy ny mofo rehetra Izy, ary nidina tamin’ny hariva ka nametraka azy teo ambonin’ny—ny tany, ho an’ny olona, ary feno fatana ve ireo lanitra goavan’i Jehovah?’ Hoy izy hoe, ‘Tsia, anaka, tanora loatra ianao mba hahazo. Hitanao, Jehovah dia Mpamorona iray. Tsy mila fatana Izy. Miteny fotsiny Izy, ary Ny Teniny dia tonga voaseho rehefa miteny Izy. Izy no Jehovah lehibe, ary niteny an’izany fotsiny Izy. Ary ireo Anjely no nizara an’izany teto ambonin’ny tany, ho an’ny olona.’

³³ “Ary androany, rehefa nahita Azy nitsangana teo aho, efa voamarikareo ve ilay fijery teo amin’ny Endriny? Tsy nisy fisalasalana tao an-tSainy. Niakatra teo ambonin’ilay vatolampy aho, ary nandinika Azy raha nandray an’io mofo io Izy ka namaky azy, ary nanolotra azy tamin’ny...Ireo mpitoriteniny, amintsika, mba hizara an’izany ho an’ny olona. Ary avy eo rehefa niverina naka Izy mba hamaky indray, dia lasa iray manontolo indray ilay mofo. Ary nanao an’izany injatony Izy, mandra-pahavoky ny olona rehetra, ary nisy harona teo, feno, nentina. Fantatro fa tsy mety ho hafa afa-tsy Jehovah izany, satria nihetsika tahaka ny nataon’i Jehovah Izy. Jehovah irery ihany no afaka mamorona. Ary fantattro fa tsy mpisandoka iray io Lehilahy io. Iray ihany no Mpamorona, ary Jehovah izany.

Koa ankehitriny, avy amin'ireo zavatra rehetra izay hitako ireo, dia nahafa-po ahy izany.

³⁴ “Tiako ho fantatrareo ankehitriny fa voatolotra tanteraka ny foko, ary mino tanteraka aho fa tsy mpaminany iray fotsiny ihany Izy. Mpaminany iray Izy, saingy mihoatra nohon’ny mpaminany iray Izy. Izy dia tsy inona afa-tsy Jehovah Andriamanitra monina eo anivontsika, satria namorona mofo Izy, ary Izy no manana an’ireo fanaon’i Jehovah. Tsy mahagaga raha hoy Izy hoe, ‘Raha tsy manao an’ireo asan’Ny Raiko Aho, amin’izay fotoana izay dia aza mino Ahy; fa raha manao an’ireo asan’Ny Raiko Aho, ka tsy mety mino Ahy ianareo, dia minoa an’ireo asa, fa izy ireo no manambara Ahy sy miteny hoe Iza Aho.’ Ireo olona dia toy ny tsy afaka nahita an’izany, mora foana.”

³⁵ Ary afa-po Jaona fa Izy no Mesia, ilay Anankiray izay nolazain’i Isaia hoe, “Zazalahy no teraka ho antsika, ary Ny Anarany dia hantsoina hoe Mpanolo-tsaina, Andrian’ny Fiadanana, Andriamanitra Mahery, Rain’ny Mandrakizay.” Ary afa-po Jaona nohon’ny amin’izay efa hitany. Nanao ny fijoroany vavolombelona ilay lehilahy tanora.

³⁶ Saiky tamin’io fotoana io, dia hoy i Simona Petera hoe, “Eny, ankehitriny, iray minitra fotsiny. Raha hanao fivorian’ny fijoroana vavolombelona iray isika, dia tiako ny banana zavatra anankiray ho lazaina. Fantatrareo, tena mpisalasala iray tamin’ilay zavatra manontolo aho, rehefa Andrea rahalahiko, izay nanatrika ny fifohazan’i Jaona mpaminany, izay nanambara fa ho avy ny Mesia ary izy no hampiditra Azy. Dia nisalasala kely ny amin’izay notenenin’i Andrea tamiko aho, satria efa nandre an’ireo karazana tantaran’ny Mesia rehetra sy ny zavatra hafa rehetra aho.

³⁷ “Fa ianareo rahalahy rehetra dia mahatsiaro ny dadako antitra. Ny anarany dia Jonasy. Ary tsaroanareo izy, hoe ahoana fa tena mpino mifikitra iray izy. Ahoana fa afaka mahatsiaro an’i neny sy dada aho, ary izahay rehetra, raha nanjono izahay ho an’ny fivelomana, dia tsy nahazo trondro; nila mofo izahay, ary ahoana fa nandohalika teo amin’ny gorodona izahay ary nivavaka tamin’Andriamanitra hoe, ‘Omeo fahazoana iray izahay androany, Andriamanitra, mba ahafahanay hivarotra ny trondronay, sy handoavana ny trosanay, banana sakafio ho hanina.’ Ary ahoana fa nandeha teny ambonin’ny ranomasina izahay, tao anatin’ny tafiotra, ary sahy mba—mba hiatrika an’ireo tafiotra ireo.

³⁸ “Ary i dada, toa hitako ny volony fotsiny nihantona nidina nankany an-damosiny, indray andro raha nipetraka teo amin’ny lohatendron-tsambo izy dia niresaka tamiko, nanao hoe, ‘Ry Simona, ianao no lahimatoako. Fantatrao, efa nino foana aho, ry Simona, fa hahita ny Mesia. Ny olontsika dia efa niandry Azy hatrany Edena. Ary azontsika antoka fa ho avy Izy, tsy

mamparinona na hafiriana. Efa ho efatra arivo taona lasa izay, hoy ianao. Saingy mino aho fa ho tonga io Mesia io. Ary ny Jiosy rehetra dia nino fa hahita ny Mesia ao amin'ny taranany izy. Manantena hahita Azy ao amin'ny taranako aho. Saingy ilay izy dia toy ny hoe, miha-antitra aho ankehitriny, tsy maintsy hijanona amin'ny ranomasina aho, ary azon'ireo aretiko sy fanaintainako, mety tsy hahita Azy ao amin'ny androko angamba aho. Saingy ianao angamba no hahita, ry zanako.

³⁹ “Ary te-hanofana anao ao amin'ny Soratra aho. Anaka, alohan’ny hisehoan’ny Mesia eo amin’ny sehatra, dia hisy ireo karazan-javatra rehetra hiseho, ireo karazan-javatra sandoka rehetra, satria hanao an’izany i Satana, mba handrava ny fitaoman’ilay tena Mesia rehefa tonga Izy.” Efa tahaka an’izany foana ilay izy; mbola tahaka an’izany foana.

⁴⁰ Ary avy eo dia hitantsika, hoy izy hoe, “Tsaroako izy nametraka ny sandriny nanodidina ahy, nanao hoe, ‘Anaka, fomba tokana ihany no hahafahanao hanondro an’io Mesia io. Ankehitriny efa an-jato taonany no tsy nananantsika mpaminany iray. Malakia no mpaminanintsika farany. Efa efajato taona lasa izay, no efa tsy nananantsika mpaminany iray. Saingy tsarovy, niteny tamintsika Mosesy, ao amin’ny Soratra, fa, rehefa tonga ny Mesia, dia ho mpaminany iray Izy, rehefa hiditra eo amin’ny sehatra Izy. Nampianarina isika Jiosy mba hino ny mpaminany. Ary ny fivahinianan’ny Mesia eto an-tany dia Tenin’Andriamanitra iray voambara, izay Nampanantenainy antsika. Fa tonga amin’ny mpaminany foana ny Teny, ary ny mpaminany no manamarina an’io Teny io. Aza adino mihitsy izany, anaka! Mety hisy zavatra lehibe hipoitra, mety hisy hafanam-po lehibe sy—sy zavatra lehibe. Saingy tsarovy, ho mpaminany ny Mesia, satria fantatsika fa tsy manova ny Fombany mihitsy Andriamanitra, ary Izy no nilaza fa ho mpaminany ny Mesia. Noho izany dia tsarovy, anaka, ny mpaminany dia ireo izay manana ny Tenin’ny Tompo. Ary rehefa tonga ny Mesia, dia ho mpaminany Izy.’

⁴¹ “Mbola afaka mahatsapa ny sandriny foana aho,” hoy i Simona, “raha nametraka an’izany nanodidina ahy izy. Ary nitsangana teo i Andrea nanasa an’ilay harato, tamin’io fotoana io. Tsaroanao ve izany, ry Andrea?”

“Eny, ry Simona, izaho—tsaroako izany.”

⁴² “Ary niezaka niteny tamiko i Andrea fa mpaminany io Jaona io. Nanana zavatra hafa natao aho, tsy maintsy nivarotra ny trondro sy ny sisa. Noho izany dia efa an-taonany maro no nahafatesan’i dada, saingy mbola nitahiry an’izany tao an-tsaiko foana aho; hoy i dada hoe, ‘Io Mesia io dia ho mpaminany iray voamarina ara-tSoratra, ary aza adino izany, satria Tenin’Andriamanitra iray voambara izany. Ary io Teny io dia tonga tsy ankitsahatra tamin’ireo mpaminany foana; izany

no nanondro azy, na naneho an'izay nampanantenaina ho an'ilay taona.”

⁴³ Ary ankehitriny i Simona, “Indray andro,” hoy izy, hoy izy hoe, “fantatrareo, nangataka ahy handeha ho any amin’ny favoriana iray i Andrea. Dia nandeha tany amin’ilay favoriana aho ka io Lehilahy io, Jesosy, no teo. Ary efa nandre an’ireo karazana tsaho rehetra aho. Efa nisy Jesosy iray nitsangana, Talohany, izay nampanantena ny ho zavatra malaza iray, nitarika efajato ary maty izy rehetra, sy ny sisa. Nieritreritra aho fa iray hafa amin’ireo karazany ireo fotsiny ilay izy, niaraka tamin’ny karazana hafanam-po lehibe an’ny fifohazana iray, na anaram-piangonana malaza iray izay hataon’izy ireo. Saingy indray andro aho dia nieritreritra fa handeha hiaraka amin’i Andrea eto aho, ny rahalahiko.”

⁴⁴ Ary azoko eritreretina, saiky tamin’io fotoana io, dia nanomboka nihetsiketsika ny sambo. Nanomboka nihiaikiaka ny olona iray, ka hoy izy hoe, “Mipetraha! Aza hozongozonina ny sambo. Andraso iray minitra. Mipetraha tsara.”

⁴⁵ Dia hoy izy hoe, “Fantatrareo, rehefa nandeha tany aho ary nandeha teo Anatrehany, ny fotoana voalohany, dia njery ahy avy hatrany teo amin’ny maso Izy ka niteny tamiko hoe iza no anarako. Tsy mbola nahita ahy mihitsy Izy tany aloha. Tsy hoe nahafantatra ahy fotsiny ihany Izy, fa Fantany ilay raiko antitra masina, izay nampianatra ahy tao amin’ny Soratra. Ary fantattro fa Io no Mesia. Nilamina hatreto izany ho ahy, teo no ho eo. Izany ilay izy. Izany no nanitsy an'ilay izy, ho ahy.”

⁴⁶ Tsy maintsy nilaza i Filipo hoe, “Afaka milaza teny iray ve aho eto?” Ankehitriny dia hoy izy hoe, “Rahalahy Natanaela, aza avela handratra anao ity; satria, fantatrao fa nianatra an’ireo horonana an-taonany sy an-taonany isika, hoe ho inona ny Mesia. Saingy rehefa nahita Azy nanao an’izany aho, dia niainga ary naka ny sakaizako eto, Natanaela. Fa rehefa tonga teo izy . . .”

Hoy Natanaela hoe, “Avelao aho hiteny an'ilay izy. Avelao aho hiteny an'ilay izy.”

⁴⁷ Oh, fantatrareo, misy zavatra iray rehefa nanao zavatra ho anareo Jesosy, ianareo—zara ianareo raha afaka hipetraka tsara, tsy maintsy miteny an'ilay izy ianareo, ny tenanareo. Tsy marina ve izany? Raha zavatra tena misy ilay izy, dia tsy maintsy hilaza an'ilay izy fotsiny ianareo. Rehefa nameno ahy ny Fanahy Masina Izy, dia te-hiteny mikasika an’izany aho. Tiako ny olona iray hahafantatra ny mikasika an’izany. Tsy olon-kafa iray no miteny azy; izaho no tiako hilaza an'ilay izy, ny tenako.

⁴⁸ Ary mieritreritra fotsiny aho, lasa nafana fo tanteraka i Natanaela ka nanao hoe, “Fantatrareo, tiako ny hilaza an’ity. Nisalasala kely ny aminao aho, ry Filipo, rehefa niteny tamiko ianao. Nanontany anao aho hoe, ‘Mety misy zavatra tsara ve

mivoaka avy ao Nazareta?" Dia nanome ahy ny valiny tsara indrindra izay hany azon'ny olona iray nomena ianao hoe, "Avia dia jereo." Mety tsara izany androany. Marina izany. Aza mijanona any an-trano ka mitsikera. Avia, jereo amin'ny tenanareo, hitanareo. "Hoy aho, 'Mety misy zavatra tsara ve mivoaka avy ao Nazareta?" Hoy izy, 'Avia dia jereo amin'ny tenanao.' Ary fantatralo izay noteneninao tamiko.

⁴⁹ "Ary rehefa nandeha nankeo amin'Ny Fanatrehany aho, ka niteny tamiko Izy fa izaho dia 'He—Hebreo iray, Isiraelita iray, ary lehilahy iray mahitsy fo,' dia fantatralo izany.

⁵⁰ "Fa nanontany aho hoe, 'Ahoana no hampety an'izany?' Izy dia toy ny lehilahy tsotra iray. Izaho dia nanantena ny Mesia hidina amin'ny lalantsara volamena iray avy any An-danitra, hidina avy hatrany eo amin'ilay lohan'ny anaram-piagonana eto, ao Jerosalema, handeha eo ka hanao hoe, 'Ry Kaifa, tonga Aho.' Saingy nahita izy ireo, fa nivoaka avy tany Nazareta Izy, avy amin'ny fianakaviana mahantara iray; ary karazan'anaran-dratsy iray tokoa no Taorianty, toy ny hoe 'zanaka tsy ara-dalàna iray.' Indro nitsangana Izy, nitafy akanjo tsotra, tsy tahaka ny mpisorona iray na olona iray; lehilahy iray tsotra fotsiny. Dia nieritreritra aho, rehefa nandeha teo hoe, 'Ahoana no haha-Mesia iray an'io!' Akanjo tranainy iray, izay efa Nanaovany hatramin'ny naha-lehilahy tanora Azy, nefä indro mbola ilay akanjo iray ihany no anaovana; ary ny Volony mihantona midina amin'ny Lamosiny. Ary tahaka ny lehilahy tsotra iray eny andàlambe.'

⁵¹ "Dia njery nanatrika ahy Izy, ka nanao hoe, 'Talohan'ny niantsoan'i Filipo anao, rehefa teo ambanin'ny hazo ianao, dia efa nahita anao Aho.' Nilamina hateeo izany ho ahy. Fantatralo, tamin'ny alalan'ny Teny, fa io no Mesia. Izy io."

⁵² Ary tsy maintsy nihetsiketsika ilay sambo, ary nitohy ilay favorian'ny fijoroana vavolombelona. Oh, fotoana iray mahafinaritra toy ny inona no nananan'izy ireo, teny ambonin'ny ranomasina teny, nanana fotoana iray lehibe fotsiny.

⁵³ Hoy i Andrea hoe, "Te-hilaza zavatra iray izay nanahirantsaina ahy kely aho vetivety. Tsaroanareo ve rehefa isika—isika nandeha nankany Jeriko? Hoy Izy hoe, 'Tsy maintsy miakatra isika; mila mandalo an'i Samaria Aho.' Noho izany, dia nandeha nankany Samaria Izy ary tao an-tanànan'i Sykara, rehefa naniraka antsika rehetra hividy sakafo tany an-tanàna Izy."

⁵⁴ "Oh, eny, tsaroako izany, eny!" Hoy izy rehetra hoe, "Eny, eny!" Nihetsiketsika fotsiny ilay sambo, ny olona rehetra dia nanana fijoroana vavolombelona nahafinaritra rehefa avy nifarana ilay fifohazana. Noho izany dia nanana an'io favorian'ny fijoroana vavolombelona io izy ireo.

⁵⁵ Ary hoy izy hoe, "Eny, ary tsaroanareo fa nandeha mora isika, ka, tamin'ny fahatairantsika, dia nahita ny Mpampianatra

antsika niresaka tamin'ny mpivarotena fantatra iray. ‘Ah-hah,’ nieritreritra isika hoe, ‘ratsy izao. Jereo Izy io miresaka amin’io vehivavy tanora io. Ary naniraka antsika tany, nefà indro Izy eto miaraka amin’io vehivavy ratsy laza mipetraka eto io.’ Tsaroanareo, nitsangana tao ambadik’ireo kirihitra fotsiny isika, ary nihaino ny resak’izy ireo.

⁵⁶ “Ary nandre Azy isika nilaza taminy hoe, ‘Ravehivavy, mandehana alaivo ny vadinao dia mankanesa eto.’

⁵⁷ “Dia hoy isika hoe, ‘Eny, mety ho nanao fahadisoana isika, angamba nanambady ara-dalàna fotsiny ilay vehivavy.’

⁵⁸ “Dia njery nanatrika Azy izy, ka nanao hoe, ‘Tompoko, tsy manambady mihitsy aho.’

⁵⁹ “Tsaroanareo ve hoe diso toy ny ahoana ny fontsika? ‘Ny Mesiantsika lehibe izay nananantsika fahatokiana, dia indro fa tratra ao amin’ny lainga iray, fifampiresahana mirehitra iray, satria hoy Izy hoe, ‘mandehana alaivo ny vadinao,’ nefà izy dia nanambara fa tsy manambady. Ankehitriny dia nivaly teo Aminy izany.’ Tsaroanareo ve hoe taitra toy ny ahoana isika rehetra, ka niala tamintsika ny fofon’aina?”

“Eny, tsaroako izany.”

⁶⁰ “Ary avy eo dia tsaroanareo ve ireo teny nanaraka? Hoy Izy hoe, ‘Nilaza ny fahamarinana ianao, satria efa nanana dimy ianao, ary ilay anankiray izay iarahanao miaina ankehitriny dia tsy anao.’ Oh, tsaroanareo ve ilay fivoran’ny fijoroana vavolombelona tao ambadik’ilay kirihitra? Oadray!” Hitanareo, tsy afaka mamandrika Azy ianareo. Andriamanitra Izy. “Oh,” hoy i Simona, “izany fotsiny . . .” Hoy i Andrea hoe, “Nilamina hatreо izany ho ahy.”

⁶¹ Hoy i Bartolomeo hoe, “Andraso, te-hanampy fijoroana vavolombelona iray aho. Afaka manao an’izany ve aho, rahalahy?”

⁶² “Oh, eny, ataoko fa afaka ianao, manana fotoana betsaka isika. Tsy mbola tonga foana Izy, noho izany dia hanao fivoizana vitsivitsy fotsiny isika. Alefaso, ry Bartolomeo, mijoroa vavolombelona ianao.”

⁶³ “Eny, iray tamin’ireo zavatra lehibe ho ahy. Tsaroanareo ve ny anabavintsika tany Jeriko, nantsoina hoe Rebeka?”

“Eny.”

“Ary mihazona toeram-pisakafoanana iray ny vadiny tany.”

“Ah-hah.”

⁶⁴ “Ary—ary mpandrahahaha iray izy, ary ny anarany dia Zakaiosy.”

“Eny, eny, tsaroako tsara izy.”

⁶⁵ “Tsaroanareo, izy dia—iray amin’ireo anabavintsika izy. Nino ny Tompo izy, ary tena natahotra izy fa namela ny zavatra

rehetra handeha i Zakaiosy afa-tsy ny manaiky an'i Jesosy. Ary, oh, Zakaiosy dia tena sakaiza tsaran'ny mpisorona tany. Ary noho izany dia nivavaka izy mba hisy zavatra iray hitranga ka hisokatra ny masonry, ary hanaiky izy fa io no Mpampianatra, ary io no Tenin'Andriamanitra voamarina, tonga nofo eo anivontsika. Ary niezaka isika ny hiteny taminy... niteny azy ny amin'ny hoe ahoana fa nahafantatra ny tsiambaratelon'ny fo io Jesosy avy any Nazareta io, naneho fa Izzy no Teny, satria ny Teny dia mamantatra an'ireo fisainana ao am-po.

⁶⁶ “‘Fahadalana,’ hoy izy, ‘Mino ny mpisorona aho. Izay lazain’ny mpisorona no tena tsara ho ahy.’ Satria nikambana tamin’ny—ny fikambanana rehetra an’ny tanàna izy, ireo Kiwanis sy ny zavatra hafa rehetra, fantatrareo, noho izany izy... somary sarotra ho azy ny hamela an’izany. Noho izany dia nangataka tamintsika rehetra i Rebeka mba hivavaka, mba hivavaka. Ary isaky ny tonga eo amin’ilay lohahevitra isika hoe mpaminany iray Izzy, dia hoy izy hoe, ‘Fahadalana! Ny mpisorona dia milaza hoe, “Belzeboba Izzy. Devoly Izzy. Amin’ny alàlan’ny herin’ny devoly no Anaovany an’izany. Ary mpanao fifandraisana ara-tsaina fotsiny Izzy. Izay ihany ny amin’izany. Tsy misy na inona na inona amin’izany.” Noho izany dia tsy misy ny zavatra tahaka an’izany ao amin’ity andro ity; efa tsy nanana mpaminany nandritry ny an-jato taonany isika. Ary ahoana no hahafahan’io Zalahy io, tsy niaraka tamin’ny kara-piombonana iray akory aza, ahoana no mba Hahafahany ho mpaminany iray? Oh, tsy misy fomba haha-tahaka an’izany Azy mihitsy!’

⁶⁷ “Fa, fantatrareo, nanohy nifikitra i Rebeka, ny vadiny, ary nivavaka. Fa indray maraina rehefa niditra tao an-tanàna Jesosy, eny, tamin’izay fotoana izay dia hitantsika fa, niteny tamintsika i Rebeka hoe lasa i Zakaiosy nivoaka teny amin’ny—ny lèlambe, mba hahita Azy. Koa tsy nino izy fa mpaminany iray Izzy, noho izany dia hoy izy hoe, ‘Hijery tsara Azy mihitsy aho,’ toy ny ahoana no nanambarany tamintsika tao amin’ilay trano fisakafoanana indray andro rehefa nihinana isika. Noho izany dia nihanika teo amin’ny hazo sykomora iray izy, ka nanao hoe, ‘Mba fantatralo moa, hanafina ny tenako eto ambony eto fotsiny aho mba tsy Hahafahany hahita ahy. Lehilahy kely aho, na ahoana na ahoana, tena fohy. Fa tsy afaka hahita Azy eo aho, ao anaty vahoaka betsaka, noho izany dia hiakatra eto ambonin’ny hazo eto fotsiny aho.’ Dia nandeha teo amin’izay nisy roa—rantsan-kazo roa nihaona izy, ary nipetraka teo, teo akaikin’ireo rantsan-kazo ireo.”

⁶⁸ Izany mihitsy no toerana tsara iray hipetrahana sy hianarana an’ilay izy. Eo no mihaona ny lèlana roa, ny anareo sy ny an’Andriamanitra; ny hevitrareo. Izany no zavatra tsara iray, hieritreretana an’ilay izy.

⁶⁹ “Noho izany dia hoy izy hoe, ‘Mba fantatralo moa, tsy maintsy ho mpaminany iray Izzy. Mety ho izany Izzy. Mety ho diso aho.

Noho izany dia ho lazaiko aminao hoe inona, hijery Azy tsara aho; ary tsy hahafantatra ahy Izy. Noho izany dia halaiko fotsiny ireto ravina rehetra ireto ka hosintoniko tahaka an'izao izy ireo, manodidina ahy, ary hanafina ny tenako aho mba tsy Hahitany ahy mihitsy akory aza. Ary handinika Azy aho rehefa mandalo Izy. Ka raha tsy mitovy amin'ny karazan'olona tsara iray Izy, dia homeko Azy ny ampahany iray avy ao an-tsaiko, mipetraka eto ambonin'ity hazo eto ity.' Noho izany dia nandinika izy, ary naka ravin-kazo iray izay azony hingaina ka hahita Azy rehefa minodina eo amin'ilay zoron-dàlana Izy.

⁷⁰ "Ary rehefa nihodina teo amin'ilay zoron-dàlana Izy, nandeha teo an-dàlambe, fantatrareo, njery avy teo amin'ny ilany iray nankany amin'ilay hafa, dia hoy ireo mpianatra hoe, 'Mikisaha. Miala tsiny aho.' Ary ireo olona niaraka tamin'ireo ankizy marary sy ny sisa. 'Miala tsiny aho, tena reraka mafy ny Mpampianatra; ilay fotoana lehibe omaly hariva. Ary, tamin'ny fahalalam-pomba, hikisaka ve ianareo azafady ka hamela Azy handalo. Eny, manao ny Làlany mankany an-tanàna Izy, ka hikisaka ve ianareo azafady?' Ary nipetraka teo ambonin'ilay hazo teo i Zakaiosy, njery Azy.

⁷¹ "Ary nandeha avy hatrany teo ambanin'ilay hazo Jesosy, nijanona, niandrandra ka nanao hoe, 'Ry Zakaiosy, midina avy eo. Ho any an-trano miaraka aminao Aho androany, ho an'ny sakafio hariva.' Nilamina hatreto izany ho ahy. Fantany fa teo ambony teo izy, ary fantany ny anarany, izay naha-izy azy. Milamina hatreto izany. Izany no Mesia, ho ahy. Eny, tompoko. Satria, fantatsika fa tsy maintsy hanao an'izany ny Mesia. Izany tokoa. Noho izany dia tsy maintsy nandeha tany an-trano niaraka taminy Izy, nilaza, tamin'io andro io ho an'ny sakafio hariva. Ora lehibe iray toy ny inona izany! Tsaroantsika izany."

⁷² Fantatrareo, tsy maintsy saiky ho tamin'io fotoana io, no nitohy ilay fivorian'ny fijoroana vavolombelona. Fantatrareo, ireo mpianatra teny ambonin'ny ranomasina teo ireo, nijoro vavolombelona, tsy maintsy ho tao anatin'ny aizin'ny alina tany ho any izany, tany amin'ilay nosy avaratra tany, ka tsy maintsy nanatona teo amin'ilay havoana i Satana ary njery. Nijery an'io fivorian'ny fijoroana vavolombelona io izy, ary hitany fa nandeha tsy nisy Azy izy ireo. Teo no nisy ny anjarany.

⁷³ Hitanareo, neveriko fa saiky miverina mihitsy indray io tantara io, mamerina ny tenany. Izy ireo dia, tao amin'ny hafanam-pon'ilay fifohazana, dia nandeha tsy nisy Azy izy ireo. Ary mino aho fa izany no betsaka izay mitranga amintsika amin'izao andro izao, hoe, ao amin'ity oran'ny fifanjevoana ity, ary aorian'ity fifohazana lehibe izay ijoroantsika vavolombelona ity. Mitety an'izao tontolo izao izany. Ny firenena rehetra dia efa nanana afom-pifohazana nitsangana, ary nirehitra; asampanasitranana lehibe; mandray ny Fanahy Masina ny olona, amin'ny an-tapitrisany. Ary ao amin'ilay hafanam-pon'izany,

tahaka ny nanambaran'ireo mpianatra ireo an'izay Nataony, "ary, oh, izahay nahita Azy nanao an'ity, ary izahay nahita Azy nanao an'itsy," dia mino aho fa niainga tahaka azy ireo isika, tsy nisy Azy.⁷⁴

⁷⁴ Niainga teo amin'ireo fanararaotra lehibe isika izay—izay nasehon'ilay fifohazana. Niainga teo amin'ireo fanararaotra hahazoana vola betsaka isika, ireo fiangonana, fanorenana tranobe lehibe, toerana goavana an-tapitrisany dolara, sekoly lehibe, rafi-pampianarana, ary manao ny anaram-piangonantsika hitombo. Ary avy eo dia manana an'ireo fandaharana kominisma antsika, antikominisma, dia izay ihany no azontsika resahina mikasika an'izany amin'izao andro izao. Ary ny zavatra voalohany fantatrareo, dia efa nahita antsika teo amin'ny fandaharantsika antikominisma i Satana, teo amin'ireo fandaharantsika goavana ara-anaram-piangonana, ary ny antsika "an-tapitrisany amboniny," sy ny sisa, araka ny ananan'izy ireo.

⁷⁵ Ary miainga isika tsy misy an'ireo fivoriam-bavaky ny andro fahiny sy ny Fanahy Masina miverina indray, hany ka nihena ny firehetan'ilay afo. Afaka miantsoantso ianareo, ary miezaka mitondra ny olona ho eo amin'ny alitara, nefo manatona eo fotsiny izy ireo toy ny hoe efa maty, manatona amin'ny tahotra iray. Ary avy eo rehefa mangataka an'ireo mpitoriteny mba hanatona hivavaka miaraka amin'izy ireo, "Oh, nahoana izy no nangataka ahy ho an'izany?" Dia tonga eo izy ireo, ary zara ianareo raha afaka hahazo azy ireo. Fa hitsangana eo mandritry ny minitra vitsy fotsiny izy ireo, mijery anareo, ary miverina dia mipetraka eo amin'ny sezany. Ho ahy, dia efa maty ilay afo! Nisy zavatra iray nitranga. Henoy! Fifohazana iray no ilaintsika, mba hahatonga an'ireo mpanota, izay mijery an'i Kristy, hibebaka, hihazakazaka hankeo amin'ny alitara miaraka amin'ny tânany mitsangana, mihiakiaka famindrampo, ka lelan'afو iray ilay fiangonana manontolo, miaraka amin'ny voninahitr'Andriamanitra.

⁷⁶ Ny hafanam-pontsika ho an'ny fanararaotra hanao ny anaram-piangonantsika hitombo, dia nanorina sekoly goavana kokoa isika hampianarana an'ireo mpitoritenintsika, ka mandefa azy ireo lavitra kokoa an'Andriamanitra nohon'ny naha-izy azy ireo tany amin'ny voalohany. Tsy fantatra amin'ny alàlan'ny fianarana Andriamanitra. Tsy fantatra amin'ny alàlan'ny teolojia Izy. Andriamanitra dia fantatra amin'ny alàlan'ny finoana. Tsy afaka manazava an'Andriamanitra ianareo. Any ankoatry ny fanazavana Izy.

⁷⁷ Jereo izay nataon'izany, isika vahoaka Pentekotista izay pentekosta fahiny. Nanapaka ny volony ireo vehivavintsika; manao lokon-tarehy. Mamela an'izany ireo lehilahintsika. Mamela an'izany ireo mpitoritenintsika. Matahotra ny hilaza zavatra mikasika an'izany izy ireo. Handroaka azy ireo ilay

fiangonana raha milaza izy ireo. Oh, raha tsy mila fanadiovan-trano isika, manomboka eo amin'ny polipitra mihitsy ka hatrany amin'ny efitra ambany. Henatra iray izany. Fahafaham-baraka iray izany.

⁷⁸ Nanatona ahy ny lehilahy iray, vao tsy ela akory izay, ka nanao hoe, "Rahalahy Branham, tia anao ny olona." Fa hoy izy, "Mivazavaza azy ireo foana ianao, mivazavaza an'ireo vehivavy ireo, mikasika ny fananany volo fohy sy ny sisa tahaka an'izany."

Hoy aho hoe, "Ny Baiboly no nilaza fa fahafaham-baraka ho azy ny manana an'izany."

⁷⁹ Tsy manome voninahitra ny vadiny izy rehefa manao an'izany. Ary izany no tena famantarana iray tanteraka fa niala tamin'Andriamanitra ianareo. Tsarovy, ny momban'i Samsona, ny volo lava dia marika Nazirita iray fa efa niala tamin'izao tontolo izao izy, nankany amin'ny Tenin'Andriamanitra. Ary rehefa manapaka ny volonareo ianareo, ry vehivavy, dia manda fa ianareo no marika Nazirita. Nandeha nankany amin'ilay Hollywood ianareo raha tokony ho niverina tamin'ny Baiboly. Hoy ny Baiboly hoe, "Aoka haratana izy ireo." Hitanareo, henatra iray izany, nefo tsy milaza na inona na inona mikasika an'izany ireo mpitoriteny.

⁸⁰ Nilaza tamiko ity lehilahy ity hoe, "Maninona no tsy avelanao mipetraka tsara ireo vehivavy ireo?" Hoy izy, "Manaiky anao ho mpaminany iray izy ireo."

Hoy aho hoe, "Tsy nilaza mihitsy aho hoe mpaminany iray aho."

⁸¹ Hoy izy, "Manaiky anao ho izany izy ireo. Ampianaro izy ireo hoe ahoana no hahazoana an'ireo fanomezam-pahasoavana arapanahy sy hanao zavatra iray. Tokony hampianatra azy an'ireo zavatra goavana ianao, ireo zavatra lehibe."

⁸² Hoy aho hoe, "Ahoana no ahafahako mampianatra azy ireo ny alzebra nefo tsy hianatra akory ny ABD-ny aza izy ireo, ahoana no hainana maotina mikasika an'izany? Ahoana no hanaovanareo an'izany? Hia, midina mankany amin'ilay zavatra voalohany."

⁸³ Isan-taona, mitety ny firenena aho, dia lasa miha-ratsy foana ilay izy. Misy zavatra tsy mety any ho any, tsy araka ny Teny izany. Tsy mahagaga raha tsy afaka mahazo afom-pifohazana mirehitra isika. Mila fotoana iray fanadiovan-trano isika. Tsy hanao an'izany mihitsy Andriamanitra raha tsy miverina indray isika. Mila fotoana iray fanadiovan-trano isika.

⁸⁴ Ary ianareo lehilahy, dia hamela ny vadinareo hanao zavatra iray tahaka an'izany, manao sorta! Tsy ireo Metodista izany, Batista. Ireo Pentekotista izany, marina izany, "endriky ny toe-panahy araka an'Andriamanitra, Taonan'ny Fiangonana Laodikia, matimaty," Pentekosta ara-anarana, izay ihany. Tsy

anarana iray ny Pentekosta, fahatsapana iray an'ny batisan'ny Fanahy Masina izany, izay manadio tanteraka ny olona. Tsy mahagaga raha tsy afaka manana asam-panasitranana lehibe sy ny sisa isika, misy zavatra diso fandeha any ho any. Izany no Satana, izay mahita antsika miezaka ny . . .

⁸⁵ “Eny, raha milaza zavatra iray mikasika an’izany izahay, dia hanova ny maha-mambra azy izy ireo.”

⁸⁶ Tsarovy, tsy manafosafo Kristiana ianareo. Ny Kristiana dia matanjaka. Lehilahy sy vehivavin’Andriamanitra izy ireo, izay manohana an’Andriamanitra, tsy mampaninona izay tsy maintsy ho lazain’ny olon-kafa. Tsy mila miangavy sy mandresy lahatra azy ireny ianareo, ary manisy ranomanitra azy ireny sy mandrotsirotsy azy ireny. Izany no fandriana mafana, zavamaniry mifangaro, tsy tsara mihitsy izany, tsy hamokatra na inona na inona mihitsy izy ireo.

⁸⁷ Mampahatsiahy ahy izany, toy ny . . . Tsy ho ela dia ho fotoam-pikotrehana izao. Nahamarika an’ireo vorona kely aho androany, tany, ireo tsintsina kely mitondra ny mololo mankao amin’ny akaniny. Tsy ho ela intsony dia hikotrika izy ireo, nanao an’ireo atody keliny ho foy. Fantatrareo, afaka manana akanin’atody ny vorona kely iray, ary afaka mipetraka eo ambonin’io akanin’atody io izy, ka mamadika azy ireo isaky ny minitra vitsy; maka ny tongony kely sy mamadika azy ireo, ary mipetraka eo. Ankehitriny, raha mamela an’ireo atody ireo hangatsiaka izy, rehefa avy nafana indray mandeha izy ireo, dia tsy ho foy. Fa manidina fotsiny izy ary maka sakafo eran’ny vava, dia miverina avy hatrany eo ambonin’izy ireo indray.

⁸⁸ Ary fantatrareo, io renim-borona antitra io, afaka mipetraka eo ambonin’ireo atody ireo izy, ka mamadika azy ireo isaky ny roa minitra, nefo tsy . . . mahafoy mihitsy aza ka mifady hanina mandra-pahatonga azy ho tena mampalahelo ka tsy ahafahany miala amin’ny akaniny. Saingy raha tsy, amin’io fotoana io, efa nifandray tamin’ny vorona lahy io renim-borona io, dia tsy ho foy ireo atody ireo. Tsy mampaninona na inona, na impiry no androtsirotsianareo azy ireo, tsy ho foy izy ireo. Hipetraka mihitsy ao anatin’ilay akany izy ireo ka ho lò.

⁸⁹ Ary raha mba nisy fotoana iray izay tokony ho niarahan’io Pentekosta io tamin’ilay Sakaiza, Jesosy Kristy; satria isika dia tsy manana afa-tsy akany iray feno atody lò, mandà an’ilay Finoana, miditra ao amin’ny Fiombonambe Ekiomenika, ary miantso an’izany ho zavatra lehibe, ny mipetraka eo akaikin’ilay papa, ka manao hoe “ara-panahy izany.” Inona marina ilay olana, ianareo vahoaka Pentekotista? Tsy fantatrareo ve fa ny Baiboly no niteny hoe hitranga ireo zavatra ireo? Ary mihorakoraka isika satria miditra ireo Metodista sy Batista, ary avy eo dia ireo zavatra hafa rehetra tahaka an’izany ireo. Tsy fantatrareo ve fa rehefa tonga mba hividy Solika ilay virijiny

natory, dia izany mihitsy ilay tena ora izay nahatongavan'ny Mpampakatra? Ary tsy nahazo Solika izy ireo! Fantatrareo, ho tonga tena mafina mihitsy ny Fampakarana, sy ny fandehanana, indray andro any, dia tsy ho fantatrareo akory aza fa mitranga izany. Hifarana izany, nefà hanontany ianareo hoe inona no nitranga.

⁹⁰ Tahaka ny nahatongavan'i Jaona teto an-tany. Fa hoy izy ireo Taminy, hoe, "Eny, ny Baiboly dia nilaza, fa tsy maintsy tonga aloha i Elia." Hoy Izy hoe, "Efa tonga sahady izy, fa ianareo no tsy nahafantatra an'izany."

⁹¹ Dia ho toy izany koa ilay izy, indray andro any, hilaza izy ireo hoe, "Noheveriko fa ity no tsy maintsy hitranga alohan'ny vanim-potoan'ny Fahoriambe. Noheveriko fa tokony hiseho ny Fampakarana." Hiverina indray ireo teny hoe, "Efa nitranga izany fa ianareo no tsy nahafantatra azy." Ah-hah. Mety ho tara nohon'ny heverinareo izao. Oh, mifohaza, ry fiangonana! Tsaratsara amiko ny miala amin'izany; tsy tonga eto ho an'ny foto-pampianarana mihitsy aho, nieritreritra fotsiny aho fa hampiditra an'izany fotsiny mba ahafahanareo hanana an'izany eo amin'ilay ilany.

⁹² Tsarovy, rahalahy, Satana dia efa nahita an'ireo fandaharana goavana ireo, fiangonana iray miezaka hohoatra an'ilay hafa, anaram-piangonana iray miezaka hohoatra an'ilay iray hafa, manaoana ny tsy fahaizana mamaky teny rehetra ka tsy maintsy hanome azy ireo fitsapana ara-tsaina iray, haka mahay momba ny saina iray hitsapa lehilahy iray alohan'ny hidirany ao amin'ireo saham-pitoriana. Pentekosta! Tsia, izany—izany—izany dia tsy ireo Presbyterana, ny Pentekosta izany. Takian'ny vondrona Pentekotista iray ny fitsapana ara-tsaina, vondrona goavana, alohan'ny ahafahan'ireo misionera haka an'ilay saha.

⁹³ Ahoana moa raha nahazo fitsapana iray tahaka an'izany izy ireo? Nahazo fitsapana iray izy ireo. Izany dia fitsapana pentekotista iray tany amin'ny voalohany, rehefa niandry tao amin'ilay efitra ambony izy ireo mandra-pahatongan'ilay Afo avy tany amin'ny Avo, sy ny Herin'Andriamanitra. Izany ilay fitsapana.

⁹⁴ Fa tsy mpahay ara-tsaina iray avy amin'izao tontolo izao, mamo tapaka mitsangana eo miezaka ny manamboatra ny saina, raha taitaitra kely ianareo, na zavatra iray, manao hoe, "Mikorontana tanteraka ianao." Nefà, ny manaporofa tanteraka fa ny olona iray ara-panahy tafahoatra dia mikorontan-tsaina, tsy maintsy ho ao amin'izany toerana izany izy mba hiditra ao amin'Izany. Noho izany dia eo ianareo izao, hitanareo, ary mandoto fotsiny an'izay noezañan'Andriamanitra hatao nandritry ny taona maro, miverina eo avy hatrany miaraka amin'ireo fandaharany sy ireo malazany...

⁹⁵ Mafana fo izy ireo rehefa mahita olona betsaka miaramiangona. Hoy izy, "Raha afaka hanao azy rehetra ireo ho Assemblées aho! Raha afaka hanao azy rehetra ireo ho an'ny Tokana aho! Raha afaka hanao ny rehetra ho Metodista aho!" Ny Metodista dia miezaka ny hanao azy rehetra ireo ho Metodista, ny Batista dia miezaka ny hanao ny rehetra ho Batista, ireo Pentekotista ny rehetra ho Pentekotista! Oh, tsy afaka manao na inona na inona mikasika an'izany ianareo, Andriamanitra no nanendry an'ireo zavatra ireo hatramin'ny fanorenana an'izao tontolo izao. Tsy maintsy mitory ny Filazantsara isika. Izay ihany. Saingy, ireo fandaharantsika goavana, niainga tsy nisy an'io Afo io isika. Niainga isika ary nanao afo iray namboarina tao an-trano ho an'ny tenantsika, araka ny naha-izy azy.

⁹⁶ Ary ny kominismantsika, tena matahotra isika ankehitriny, nипетрака ny kominisma, "Inona no hitranga?" Saingy, fantatrareo, ilay zava-dehibe dia tsy ny kominisma. Mamela ahy hiteny aminareo an'izany ankehitriny, tsy matahotra kominisma aho.

⁹⁷ Fa ny atahorako, dia ianareo Pentekotista, haka anareo io Fiombonambe Ekiomenika io. Izany ilay zavatra. Hanao ny mariky ny bibidia izany, ka tsy maintsy hiditra ao anatin'izany ianareo. Satria rafi-pandaminana iray ianareo, dia tsy maintsy miditra ianareo na mivoaka. Izany ilay zavatra, ary ny olona tsara iray, mato-tsaina, ara-panahy dia mahafantatra an'izany. Mila fijoroana vavolombelona eny ambonin'ny ranomasina hafa iray isika, hitantsika izany ankehitriny. Ary ny Pentekotista antsika, mitelina an'izany fotosny, lelam-pintana, tадим-pintana ary pilao, "Ho zavatra lehibe iray toy ny inona izany." Nefa, ny Metodista, Presbyterana, Loterana, fiangonan'i Kristy, ary ireo Pentekotista, ianareo dia tsy maintsy handà-handà ny fampianarana apostolika lehibe anareo, mba hidirana ao. Tsy maintsy hanao tahaka an'izany izy ireo. Tsy hanana na inona na inona hatao ao amin'izany ianareo. Eo am-panamafisana miaraka amin'i Roma daholo izany, arak'izay efa voaporofa marina tokoa. Ny Soratra no niteny an'izany.

⁹⁸ Inona no olana amin'ireo mpititory teny izay mamela an'ireo zavatra ireo ho tonga eo amin'io toerana io, tsy mampitandrina ny olona? Hitaky eo an-tanàn'izy ireo Andriamanitra. Ao amin'ity fotoan'ny fahasaratana ity mihitsy, tao anatin'ny fahasaratana izy ireo, tao izy ireo. Tsy ny kominisma no nипетрака; ilay izy dia ilay Fiombonambe Ekiomenika no hitelina an'ilay andiany manontolo. Ary tsarovy, rehefa hoy ianareo hoe, "Tsy ho . . ." Mitranga ilay izy, amin'izay fotoana izay dia efa tara loatra. Efa nandray an'ilay mariky ny bibidia ianareo. Mikambana aminy ianareo amin'izay fotoana izay.

⁹⁹ Tsaratsara kokoa ho anareo ny mandeha any amin'izay ahafahanareo miala amin'izany ankehitriny, eny, tompoko, aoka ho voaisy tombokase ao amin'ny Fanjakan'Andriamanitra. Ny

Vatan'i Kristy dia ilay Vatana mahagaga an'i Kristy, izay vita batisa tao amin'Izany tamin'ny Fanahy Masina; fa tsy mikambana ao amin'Izany, tsy nampidirina tao amin'Izany, tsy niresaka tao amin'Izany, tsy niteny tamin'ny fiteny tsy fantatra tao amin'Izany, tsy nihiakiaka tao amin'Izany. Teraka tao amin'Izany ianareo, tamin'ny alàlan'ny Fanahy Masina. Marina izany. Izany tokoa.

¹⁰⁰ Mahamarika an'ireo zavatra ireo isika ankehitriny, tonga tampoka ny fahasaratana. Oh, njery teo ny devoly ka nanao hoe, "Ah-hah, tonga eo amin'ny krizy iray izy ireo, mitsambikina ambony-sy-ambany eo fotsiny izy ireo, mihiakiaka, manana fotoana iray goavana. Mba fantatrao moa, izao ankehitriny izao no fotoako handentehako azy ireo. Ho azoko mihitsy aza izy ireo ankehitriny."

¹⁰¹ Noho izany dia niakatra teo amin'ilay havoana izy ary nanomboka nitsoka ny poizin'ny fofon'ainy, fioo, "Efa lasa ireo andron'ny fahagagana. Sady izao koa, mino aho fa mikorontantsaina fotsiny ireo olona ireo. Heveriko fa izy ireo dia tokony hahazo ny—ny—ny fitsapanana ara-tsaina iray alohan'ny handraisany an'ireo saha hafa." Ireo Pentekotista! Ah-hah. Jereo ilay poizin'ny fofon'ainy mamono ny Teny hoe, "Oh, heveriko fa zavatra hafa iray Izany, izaho—izaho dia mino an'izany..." Hitanareo, miverina avy hatrany tahaka an'izay nataon'ireo anaram-piagonana sisa rehetra, izany marina tokoa no lâlana izay andehanan'izy ireo. Handeha izy ireo, izany no mamono an'ilay izy. Ilay tena ora mihitsy izay andrafetanareo azy, dia izany no mamono an'ilay izy. Efa izany foana ilay izy. Ho izany foana ilay izy. Tsy hitsangana intsony indray izany. Tsy fantatra mihitsy tao amin'ny tantara izany. Ao—ao amin'ny Taonan'ny Fiagonana Laodikia, dia tany ivelan'ny fiagonana Kristy, nandondôna, niezaka ny hiditra. Fa tsy afaka mahatanty an'Izany fotsiny izy ireo. Tsy afaka mihaino an'Izany izy ireo. Ankehitriny dia hitantsika, ilay ora izay iainantsika, efa nipetraka ilay fahasaratana.

¹⁰² Ary avy eo isika dia manomboka mahita, fa tsy miseho intsony ireo fahagagana, tahaka ny naха-izy azy ireo. Ireo marary dia mody any an-trano marary. Tsy noho Andriamanitra izany. Izany dia nohon'ny tsy fahampian'ny fifohazana eo anivon'ny olona. Tsy misy fifohazana intsony. Izy ireo—mipetraka izy ireo dia mihaino; mandeha mody, manao hoe, "Eny, ataoko fa tena tsara izany. Ah-hah." Hitanareo, tsy misy io hafanam-po io. Tsy misy io zavatra izay tokony ho eo amin'ny olona eo io.

¹⁰³ Tsaroako dimy ambin'ny folo taona lasa izay, teto tany Arkansas, rehefa nanao favoriana kely iray tany Jonesboro aho, ka teo amin'ny olona efatra alina no niezaka nanatrika an'izany, tonga teo amin'ilay favoriana tao amin'ny tanàna iray nisy mponina teo amin'ny dimy arivo sy iray alina. Ary nandry teo

ambanin'ny fiarabe mpitondra landihazo sy ny zavatra hafa rehetra izy ireo, ka gazety traintainy no teo ambonin'ny zanak'izy ireo marary, mba ho tafiditra fotsiny. Nipetraka teo amin'ny sezany izy ireo ary tsy niala, andro aman'alina, ary naniraka an'ireo malalany handeha hividy hamburger sy ta—tavoahangy iray misy rano fisotro; dia nijanona teo, andro sy alina, andro sy alina. Nirehitra ny fon'izy ireo, nirehitra. Tamin'ny zavatra madinika indrindra izay nataon'Andriamanitra, dia izany no nanao azy ireo hirehitra. Ary an-jatony tamin'izy ireo no niditra.

¹⁰⁴ Mbola ilay Andriamanitra iray ihany foana Izzy, izao hariva izao, izay naaha-izy Azy dimy ambin'ny folo taona lasa izay. Mbola ilay Andriamanitra iray ihany foana Izzy, izao hariva izao, izay naaha-izy Azy fony Izzy namorona ny lanitra sy ny tany.

¹⁰⁵ Fa inona izany? Lasa mafana fo isika rehetra ka te-hanangana an'ireo rafi-pandaminantsika, te-hanangana an'ity, sy hanorina an'ity, ary hanao zavatra malaza sy mamiratra, hampitaha amin-dry Joneses, amin'ireo Metodista, amin'ireo Batista, amin'ireo Presbyterana. Tsy isan'izy ireo ianareo. Tsia, tsy isany ianareo. Vahoaka ara-anaram-piangonana izy ireo, izay mety tsara, tsy misy na inona na inona anoherana azy ireo. Feno Kristiana tsara eo anivon'izy ireny, saingy tsy tokony hampikambana ny tenanareo ao amin'io vondrona tsy mino io ianareo. “Vahoaka izay mandà ny Heriny,” tsy tokony haka ny andaniny miaraka amin'izy ireo ianareo.

¹⁰⁶ Fantatrareo, ny olana amin'ilay izy dia, miezaka ianareo mampiditra an'i Hollywood ao amin'ny fiangonana. Ny zavatra tokony ataonareo dia ny miezaka mamoaka an'i Hollywood avy ao amin'ny fiangonana. Hitanareo? Miezaka manao ny tranobenareo ho tena tsara tarehy ianareo, miezaka manao ny anaram-piangonanareo ho tena goavana ianareo, mandrapahatongan'izany hisintona ny fifantohan'ny olona. Tsy afaka mandeha mankany amin'ny lafin'izy ireo isika. Isika no tsy maintsy maka azy ireny ho eo amin'ny lafintsika. Ny zavatra rehetra izay mamiratra, tsarovy, marevaka amin'ny maha-izao tontolo izao i Hollywood, raha manjopiaka ao amin'ny fanetre-tena ny Filazantsara. Misy fahasamihafana iray mihitsy eo amin'ny mamiratra sy manjopiaka. Manjopiaka ao amin'ny fanetre-tena ny Filazantsara, sy fahamoram-panahy, sy fahamaotinana, ary hery. Fa, Hollywood dia mamiratra, ka mihobyo sy mihoraka ny olona rehetra, ary mandeha mankao aminy. Hitanareo? Tsy mila an'izany isika.

¹⁰⁷ Te-hiaina Hazavana iray isika. Hoy Izzy hoe, “Ianareo no siran'ny tany.” “Raha mahavery ny tsirony ny sira,” izany hoe ny heriny ao amin'ny Filazantsara. Tokony hanana zavatra mihetsika isika ao amin'ireo fiangonantsika, ka ireo Metodista, Batista, Presbyterana, ary izy rehetra ireo, dia haniry ny ho tonga. Tokony ho tena masira isika! Ny sira no manao ny

hetaheta, mamorona hetaheta iray. Ny sira no tsiro, raha mifandray izany. Tokony hifandray izany.

¹⁰⁸ Ary hitantsika, ireo krizintsika lehibe dia miezaka hifampitaha amin'ny Metodista sy Batista, miaraka amin'ireo tranobe goavana sy toerana goavana, ary olona nianatra tsara, sy sekoly lehibe kokoa sy kolejy goavana kokoa, ary ny zavatra rehetra tahaka an'izany. Tonga eo amin'ny krizy iray isika, ary indro fa mipetraka ny olana.

¹⁰⁹ Dia mijery manodidina ilay fisainana ara-panahy ka manao hoe, “Indro, andraso iray minitra eto, ho voatery handray an’io Fiombonambe Ekiomenika io ve isika rehetra? Hiditra ao amin’izany ve ny vondrantsika manontolo?” Azo antoka, handeha ianareo. Marina tokoa izany. Diniho dia jereo raha tsy mandeha ianareo. Ny Baiboly no nilaza fa handeha ianareo, marina tokoa, ka ho any ivelany i Kristy. Nanamaizina ny tenany ny volana talohan’ilay papa (ilay anankiray voalohany izay hany nandeha tany Roma), indray hariva, naneho famantarana iray taminareo teny an-danitra. Tsy nolazaina mialoha, fa nanao an’izany izy. Toy ny ahoana no anaovan’ny Tompo zavatra amin’izao andro izao, mahafinaritra!

¹¹⁰ Noho izany tao amin’io ora lehibe an’ny aizina io, rehefa tany izy ireo, dia tonga ireo rivotra. Lasa ny fanantenan’ny fahari-miaina rehetra. Inona no hataonareo ankehitriny raha miditra ao amin’ny Fiombonambe Ekiomenika ny anaram-piangananareo? Inona no hitranga amin’ireo zavatrareo lehibe rehetra izay naorinareo teto an-tany amin’izay fotoana izay, vao lasa ilay fanantenana farany?

¹¹¹ Fa fantatrareo, raha saika hikiakiaka izy ireo, ka lasa ny fanantenana rehetra, tsy nety voavonjy izy ireo; ary tampoka teo, dia nahita Azy tonga izy ireo, nandeha teo ambonin’ny rano. Tao amin’ilay oran’ny aizina, no tonga Izy, nandeha.

¹¹² Mba fantatrareo moa? Rehefa nandao azy ireo Izy, dia Fantany fa hitranga io, noho izany dia nihanika an’ilay havoana avo indrindra izay nisy teo amin’ilay tany Izy. Arakaraky ny hiakaranareo avo kokoa, no ahafahanareo mahita lavitra kokoa. Dia nihanika Izy mba Hahafahany mandinika azy ireo, fantatrareo.

¹¹³ Ary Fantany fa ho tonga io. Efa Nolazainy mialoha fa ho eto ity andro ity. “Tahaka ny tamin’ny andron’i Sodoma, dia ho toy izany koa amin’ny fihavian’ny Zanak’olona, rehefa ho voambara ny Zanak’olona.” Noho izany, dia tsy maintsy voambara ilay Zanaka. Ity taranaka ratsy fanahy sy mpijangajanga ity hitady famantarana iray. Hahazo famantarana iray izy. Handà an’izany izy tahaka ny nataon’izy ireo tamin’izany, saingy ho famantaran’ny fitsanganana izany. Mbola velona foana Izy, manao tahaka ny Nataony.

¹¹⁴ Mahita isika, fa tao amin'ity ora lehibe ity, tao anatin'ny loza ireto mpianatra rehetra ireto, dia nihanika avo Izy mba Ahafahany mandinika azy ireo. Nipetraka teo ambonin'ny havoana iray teo Izy, nandinika azy ireo.

¹¹⁵ Ary ankehitriny dia tsy nihanika tendrombohitra iray Izy amin'izao fotoana izao, fa nihanika avy tao am-pasana Izy, nihanika nankeny amin'ny habakabaka, tany ankoatry ny volana, ireo kintana, mandra-pahatonga Azy nandeha tena avo hany ka tsy maintsy niondrika Izy mba hijery ny Lanitra. Ary any Izy no mipetraka, any amin'ny Avo. Ankehitriny dia eo amin'ilay tsintsina ny Masony, ary fantatro fa miambina antsika Izy. Miambina Izy.

¹¹⁶ Ary ao amin'ity oran'ny aizina eto ity mihitsy, rehefa nuditra tao amin'ireo fandaharana lehibe ireo fiangonana rehetra, ary izy ireo dia manana an'ity fandaharana ity sy itsy fandaharana itsy, ny rehetra dia voalahatra tahaka ny sisa amin'ireo fiangonana, ireo anaram-piangonana. Ary inona no nitranga? Ao amin'ilay oran'ny aizina, rehefa manontany ny olona tena feno ny fanahy hoe, "Inona no nitranga? Jereo ireo zanako!" Hoy ilay lehilahy hoe, "Jereo ny vadiko! Jereo ity!"

¹¹⁷ Ary mamarana ny Alahady izy ireo, na ny fivoriam-bavaka Alarobia hariva, aloha be, mba ahafahan'izy ireo mijery ny *We Love Sucy*, na zavatra tahaka an'izany, eo amin'ny televiziona. "Tia an'izao tontolo izao, mihoatra nohon'ny fitiavana an'Andriamanitra." Mihetsika tahaka azy ireo.

¹¹⁸ Niteny tamin'ny ramatoa iray aho indray andro, nitafy tena tery izy tao amin'ny akanjony. Hoy aho hoe, "Ranabavy, tena tery loatra ity akanjo ity. Mety tsy tsara ho ahy ny miteny anao an'izany, saingy izany ilay izy. Kristiana iray ianao, ary hanao vato manafintohina iray ianao."

¹¹⁹ Hoy izy hoe, "Eny, Ranadahy Branham, mba fantatrao moa?" Hoy izy hoe, "Ity ihany no karazana tokana izay amboarin'izy ireo."

¹²⁰ Hoy aho hoe, "Mbola mivarotra lamba foana izy ireo, ary manana milina fanjairana. Tsy misy fialan-tsiny." Hia.

¹²¹ Henoy, mamele ahy hiteny zavatra iray aminareo, ry sakaiza malalako. Tsy mampitahotra anareo aho. Tsia, tompoko. Miezaka manakana anareo tsy ho ao amin'ny fampijaliana aho. Raha mbola ao aminareo foana io fanahy io, dia hanao an'ilay izy foana ianareo. Marina izany. Tsy maintsy hateraka ianareo hiala amin'izany. Ankehitriny afaka manao izay mampety ny tenanareo eo amin'izany filazana izany ianareo, saingy mamele ahy hiteny zavatra aminareo, hitanareo, "Izay misy ny fonareo, dia any koa ny harenanareo."

¹²² Mamele ahy hiteny aminareo. Mety ho madio mihitsy tahaka ny lisy iray ianareo amin'ny vadinareo, ary mety ho madio mihitsy tahaka ny lisy iray ianareo, ry tovovavy, amin'ny

sakaiza lahinareo, saingy indray andro any dia hanao anareo hamaly nohon'ny fijangajanganareo Andriamanitra. Meloka ianareo raha miakanjo tahaka an'izany. Hoy Jesosy hoe, "Na iza na iza mijery vehivavy iray ka mitsiriritra azy, dia efa nijangajanga taminy sahady tao am-pony izy." Ary rehefa tsy maintsy hamaly ilay lehilahy, io mpanota io, nohon'ny nijereny anareo, nohon'ny nijangajangany, dia iza no nampiseho an'ilay izy taminy? Eritrereto izany. Ianareo vehivavy Pentekotista, mbà menatra ianareo! Hitanareo? Mbà menatra ianareo!

¹²³ Tiako ianareo, izany no antony ilazako an'izany. Manitsy ny fitiavana.

¹²⁴ Eo amin'ny krizy lehibe iray isika, krizim-pitafiana lehibe iray. Ilay izy fotsiny dia toy ny, ary natao lamaody toy ny, izao tontolo izao. Hoy Izy hoe, "Aza tia an'izao tontolo izao, na ireo zavatr'izao tontolo izao; raha tia ianareo, dia tsy ao anatinareo akory aza ny fitiavana an'Andriamanitra," tsy ahoako na impiry ianareo no miteny amin'ny fiteny tsy fantatra, mitsambikina ambony-sy-ambany, mandihy; manapabolo, manao akanjo tahaka an'izany. Ianareo lehilahy dia mamela an'izany. Ireo voanareo manokana no miteny hoe aiza no misy anareo. Tena marina tokoa izany. Tsy mahagaga raha ao amin'ny fahapotehana iray tahaka an'izao no misy antsika, sy ireo rivotry ny kominisma, ireo rivotry ny fanaovam-piangonana, ireo rivotry ny rafi-pandaminana ekiomenika!

¹²⁵ Izao no—izao no fotoam-pikambanana iray, fotoam-pampiraisana iray. Ireo firaaisana dia mampiray an'ireo mpiassa, mifamaly mikasika an'izany. Ireo firenena dia manana ny—ny Firenena Mikambana, mikambana izy ireo. Mikambana miaraka ireo fiangonana. Inona no asehon'izany rehetra izany? Maneho izany fa efa eo am-pikambanana Kristy sy ny Ampakarina. Izany no tenenin'io. Ireo aloky ny zavatra rehetra ireo dia maneho ny fihavian'ilay pozitifa. Diniho ankehitriny raha mamarana isika, satria lasa tara loatra aho.

¹²⁶ Ary mariho ankehitriny, tao amin'io ora lehibe io rehefa lasa ny fanantenana rehetra, an'ny fahari-miaina, dia nahita Olona iray tonga izy ireo, nandeha teo ambonin'ny rano, nanatona. Ary ilay zavatra, ilay ambahany mampalahelo, henoy tsara, ilay zavatra tokana izay afaka nanampy azy ireo, dia natahoran'izy ireo. Hoy izy ireo hoe, "Tahaka ny matoatoa io. Mety ho izy io, fantatrareo, fanahy iray."

¹²⁷ Raha tsy izany no mbola mitranga indray! Matahotra an'Izany izy ireo. Matahotra ny fanaovana hatsarana izy ireo, matahotra karazana herin-devoly iray izy ireo; nefo Jesosy no nilaza fa hitranga Izany amin'izao andro izao. Ilay zavatra tokana izay afaka manampy azy ireo dia Jesosy Kristy. Tsy anaram-piangonana hafa iray, tsy ireo fikambanana miaraka rehetra ireo; izany dia hanao an'ilay izy hiha-ratsy nohon'ny

hatramin'izay fotsiny. Ny zavatra tokana izay afaka manampy anareo dia Jesosy Kristy.

¹²⁸ Ary rehefa nampanantena Izzy ny hiverina amin'ny andro farany, ao amin'io endrika io, ary hanao an'izao, nampanantena (tahaka ny talohan'ny niverenan'ilay zanaka nampanantenaina mihitsy teo amin'i Abrahama, ilay taranaka voalohany) ilay taranaka mpanjakan'i Abrahama, Jesosy dia...nilaza fa hahita an'ilay zavatra iray ihany izy. Alohan'ilay Zanaka nampanantenaina, dia haneho ny Tenany ao amin'ny nofo Andriamanitra ary hanao marina tokoa tahaka an'izay nataon'i Jesosy, tahaka an'izay Nolazainy fa Hataony, tahaka an'izay voalaza fa hatao amin'ny andro farany. Ary eto ireo teny fikasana rehetra ireo, izay azontsika alahatratra, isaky ny roa amin'ny folo, eto anatrehanareo eto mihitsy, hoe izao no natao hiseho.

¹²⁹ Ary ireo fiangonana, izay tokony hiaraka amin'ireo sandry mivelatra, mba handray an'Izany, "Matahotra kely an'Izany aho. Izany dia tsy mikambana amin'ny vondronay, hitanareo." Ary matahotra an'Izany izy ireo. Ny zavatra tokana izay afaka hitondra azy ireo eo amin'i Kristy, dia Kristy Izzy tenany, nefä matahotra izy ireo hoe mampahatahotra Izany. "Oh, tsy fantatro. Mety misy fanahy izany, hitanareo. Ary tsy mahafantatra mikasika an'Izany aho." Matahotra an'ilay zavatra tokana izay afaka hanampy azy ireo.

¹³⁰ Ary tao amin'io ora maizin'ny loza io, ireto fiangonana voafidy ireto, io vondrona nipetraka teo io, dia natahotra fa mety ho matoatoa ilay izy, tsy te-hanao na inona na inona amin'izany izy ireo. Tamin'izay fotoana izay no tonga io Feo mamy io hoe, "Aza matahotra. Izaho ity."

¹³¹ Izzy no Teny. Sa tsy izany Izzy? [Hoy ny fiangonana hoe, "Amena."—Mpand.] Tsy mivoa mihitsy Izzy, mba ho ny Teny. Ankehitriny tsy afaka mandre ny Teny ve ianareo milaza, izao hariva izao hoe, "Izzy no tsy mivoa omaly, anio, ary mandrakizay. Aza matahotra; Izaho ity"? ["Amena."]

Ndao isika hanondrika ny lohantsika.

¹³² Ray any An-danitra, ilay—mafana ilay hariva. Maizina ireo ora, ahoana fa niala teo amin'ny alitara ilay Afo. Eo am-pitsimponana manerana ny saha Ianao. Hoy Ianao hoe, "Ny Fanjakana dia tahaka ny lehilahy iray izay nitondra harato ka nandeha teny an-dranomasina, nanipy azy, ary rehefa namerina azy izy. Tahaka an'izany ny Fanjakana." Tompo Andriamanitra, indray andro any io trondro farany izay tao anatin'ny rano io! Hoy Ianao hoe, "Nahazo ny karazana rehetra izy ireo." Mahazo ny karazana rehetra ny haraton'ny Filazantsara; mahazo sokatra izy, oran-dranomamy, hala, menarana, trondro mpitsindroka. Tsy fantatray hoe inona no azony, saingy nisy trondro sasantsasany teo izay Narahinao. Ianao no Anankiray

izay Mpitsara. Saingy fantatray fa, haingana mihitsy ilay sokatra, ilay oran-dranomamy, sy ny rehetra, dia hiverina indray any amin'ilay lava-potaka, miverina any amin'ireo rano. Fa indray andro any io trondro farany izay voatendry io, voafidy mialoha ho tonga, io ampahany farany an'ilay Vatana io, dia ho voasintona avy ao amin'io farihy io.

¹³³ Nanipy harato iray Ianao tamin'ny andron'i Luther, sy Wesley, Alexander Campbell, John Smith, Calvin, Knox, Finney, Sankey, sy ny sisa; tao amin'ny taonan'ny Pentekotista, ireo andron'i F. F. Bosworth, ary Frochman, ireo lehilahy malaza ireo. Nanipy an'ireo harato Ianao, tamin'ny andron'i Billy Sunday, nitohy nanerana ny taona.

¹³⁴ Ary ankehitriny dia mbola mikaoka manerana an'ilay ranomasina foana Ianao. Misy iray amin'izy ireo ve mipetraka eto izao hariva izao, Tompo? Raha izany, dia enga anie izy ireo ho tahaka an'ilay vehivavy teo amin'ny fantsakana. Na dia tao amin'ny toerana maha-mpijangajanga azy aza, dia mbola fantany foana fa Ianao no Mesia. Nahita an'io famantarana io izy. Izay ilay izy. Hoy izy hoe, "Hitako fa mpaminany iray Ianao." Tsy nanana hevitra izy hoe mety ho izany ny Mesia. Hoy izy hoe, "Miandry Mesia iray izahay," amin'ny teny hafa. "Fantatray fa rehefa tonga ny Mesia, dia Izy no hiteny aminay an'ireo zavatra ireo." Ary hoy Ianao hoe, "Izaho no Izy." Izay ilay izy.

¹³⁵ Ankehitriny, izao hariva izao, Tompo, aoka izy ireo hahita fa, "Izaho ity; aza matahotra. Izao no Fampanantenako." Sitrano ny marary, Tompo, vonjeo ny very, fenoy ny foana.

¹³⁶ Enga anie izahay handeha izao hariva izao, ka hilaza ao anatin'ny fonay, raha mandeha izahay, tahaka an'ireo izay avy tany Emaosy hoe, "Tsy nangorakoraka tao anatintsika ve ny fontsika raha nitory teny tamintsika Izzy izao hariva izao tao amin'ilay tranobe, Ny Fanatrehany Masina!" Ahoana no nahafantarany fa Ianao izany, nanasa Anao hiditra izy ireo ary lasa nisokatra ny masonry. Enga anie ny tsirairay avy aminay, izao hariva izao, hanasa Anao hiditra. Raha tsy azonay Izany, dia enga anie izahay hanasa Anao hiditra, na ahoana na ahoana. Izany ihany no fomba tokana Ahafahanao manambara ny Tenanao.

¹³⁷ Ary voamarikay ny fomba izay Nanambaranao ny Tenanao taorian'ny Fitsangananao, nanao zavatra iray tamin'ilay fanao iray ihany izay Nataonao talohan'ny fanohomboana Anao Ianao. Ankehitriny dia tongava izao hariva izao, Tompo, Ianao no nilaza fa Ianao no "tsy miova omaly, anio, ary mandrakizay." Manaova indray, ho anay, tahaka ny Nataonao tamin'ireo andro izay Nitsangananao teto tao amin'ny nofo, teto an-tany. Hody izahay, mazava fo, tahaka azy ireo. Amin'ny Anaran'i Jesosy no ivavahanay. Amena.

¹³⁸ Ankehitriny ato amin'ny fotoana, izao hariva izao, dia fantattro fa tena mafana ny andro, ary manana roapololo minitira isika mba hivoahana ara-potoana. [Elanelana tsy voarakipeo—Mpand.] Izaho dia . . .

¹³⁹ Tsy afaka mijanona aho na hisakana an'ireo zavatra izay ataoko. Tarihin'ny Zavatra iray aho, efa izany foana aho, teo amin'ny fiainako rehetra, ary efa marina foana Izany. Tsy niteny tamiko afa-tsy izay ao anatin'ny Baiboly Izany. Tsy afaka mampijanona azy aho. Tsy afaka manao na inona na inona mikasika an'izany aho. Izany fotsiny no manao an'ilay izy, na ahoana na ahoana. Ary azoko antoka, raha mankatò aho, fa nisy olona iray nila an'izany. Ary ho mahatoky aho. Ary amin'io Andro io, dia tiako ny ho, tahaka ny nolazain'i Masindaya Paoly malaza hoe, "Tsy misy ràn'olona eto an-tànakao." Hah-ah. Izaho-te-hiteny aminareo ny Fahamarinana aho. Tsy hoe izaho no . . . Tiako ianareo.

¹⁴⁰ Ary raha nanana zazalahy kely iray ianareo . . . Ankehitriny dia eritrereto izany, ramatoa, ianareo izay nolevileveko vao teo, ianareo anabavy miaraka amin'ny volo tapaka sy ny sisa. Raha izaho . . . Raha nanana zazalahy kely iray nipetraka teny amin'ny lâlambe ianareo, ka hoy ianareo hoe, "Junior, malala, tsaratsara kokoa ho anao ny miditra, malala. Ilay izy dia mety ho, tsy fantattro, mety hamily fiara hihodina aminao angamba izy ireo." Tsy tia an'io zanaka io ianareo. Marina izany. Hivoaka eo ianareo ary hanongo ny hodiny, na hanao azy hiditra. Marina izany. Tianareo izy.

¹⁴¹ Tahaka an'izany ny Filazantsara. Tia anareo Andriamanitra. "Ary ireo izay Tiany, dia Faiziny sy anariny ny zanaka rehetra izay manatona Azy." Raha tsy afaka mahatanty famaizana ianareo, ka mandeha ary tezitra ny amin'izany, amin'izay fotoana izay dia zazasary ianareo, tsy zanak'Andriamanitra ianareo. Koa tsarovy fotsiny, izany no Soratra.

¹⁴² Ankehitriny teny iray avy Aminy, teny anankiray, dia hidika betsaka noho izay azoko lazaina, ao amin'ny androm-piainana iray tapitrisa. Izy izany. Fantatsika ny Fampanantenany. Fantatsika izay Nampanantenainy hatao. Tsy fantattro ankehitriny na . . . efa . . . isika dia hanomboka eo amin'ny . . .

¹⁴³ Efa nizara karatra indray ve izy? Efa nizara karatra ve ianareo androany? Inona ilay izy? J, eny àry. Eny àry, mba hahazoana fotoana, dia ndao fotsiny isika hanomboka amin'ny nomerao iray. Ankehitriny, mety manerana ny tranobe rehetra angamba izy ireo. J, nomerao iray.

¹⁴⁴ Ary ankehitriny dia hanao fitetezana vitsivitsy isika. Nanomboka isika, indray mandeha, tamin'ity anankiray ity, avy eo, mandroso sy miverina kely, dia mihodina, fa hotetezintsika izy ireo eto. Ary ny olona rehetra izay miditra, isan'andro, dia

manana anjara ny ho tafiditra ao amin'ilay laharana. Tsy midika izany hoe satria eto ianareo... .

¹⁴⁵ Firy no mahafantatra, ato amin'ity fivoriana ity, fa efa maro saiky avo roa heny no sitrana tao amin'ny mpanatrika, nohon'ny sitrana teto ambony teto? Azo antoka, fantatrareo izany. Hitanareo, ny karatra fangataham-bavaka iray dia mampakatra ny olona eto ambony eto fotsiny ihany, mitondra ny Fanahy Masina eo anivon'izy ireo, satria mahazatra anareo ny manao an'izany. Tsy voatery hanao an'izany akory aza isika izao ankehitriny izao. Afaka manajanona an'ireo karatra fangataham-bavaka isika.

¹⁴⁶ Tahaka ny nataontsika fotsiny omaly hariva, tsy nila karatra fangataham-bavaka mihitsy isika omaly hariva. Nandeha nankeo anivon'ireo izay tsy nanana karatra fangataham-bavaka ny Fanahy Masina. Ary nahita zavatra maro aho fa tsy nilaza na inona na inona mikasika an'izany, satria tsy fantatro na izay ilay izy na tsia. Mbola nitohy maizina foana teo ambonin'izy ireo, dia navelako nipetraka tsara ilay izy. Tsy fantatro. Tsy nahasoa ny niantsoana azy ireo. Na inona na inona Lazainy dia marina, noho izany dia henoy izay Lazainy.

¹⁴⁷ Ankehitriny nilaza ve ianao fa J izao? J, nomeroa iray. J, nomeroa iray, iza no manana ny karatra fangataham-bavaka, atsangano ny tanganareo. Mety ho diso ianao, anaka; mety ho anankiray... Oh, miala tsiny aho. Oh, iry aoriana miankina amin'ny rindrina aoriana iry. Miakara eto, ramatoa. Izy ireo—mitondra an'ireo karatra fotsiny izy ireo ankehitriny, ilay zazalahy, Rahalahy Borders na Billy, ny anankiray, indraindray dia izy roa ireo, manafangaro an'ireo karatra eo anatrehanareo, ary manome anareo ny karatrareo avy eo, na inona na inona tianareo. Tsy mahafantatra izahay, izy ireo fotsiny dia... *Ity* anankiray ity dia mety manana ny nomeroa dimy, ary *itsy* anankiray itsy manana ny nomeroa fito, *ity* anankiray ity manana ny nomeroa dimy ambin'ny folo, ary *itsy* anankiray itsy dimy amby sivifolo, ary tsy mahafantatra izahay. Ary avy eo, indray, rehefa tonga aho, izaho fotsiny, na aiza na aiza ipetrahan'izany ao am-poko, dia avy eo no iantsoako azy ireo, tsy mamparinona na aiza na aiza no misy an'ilay izy. Izaho fotsiny... Raha milaza aho... Indraindray aho dia manisa hoe fiery no ao amin'ny laharana iray, dia zaraiko amin'ireo eo amin'ity laharana ity izany ary mahazo valiny iray. Hitanareo? Ary avy eo, raha tsy izany aho, nahoana, izaho fotsiny... izay tonga voalohany ao an-tsaiko, no antsoiko.

¹⁴⁸ Nomeroa iray. J, nomeroa roa. Nomeroa roa, nomeroa telo, nomeroa efatra, nomeroa dimy, nomeroa enina, fito, valo, sivy, folo, aoka ho avy izy ireo, hitanareo. Iray, roa, telo, efatra, dimy, enina, fito, valo, sivy, folo. Tsara izany. Tahaka an'izany, tongava avy hatrany... Andraso, lasa any amin'ny lâlana hafa ny anankiray. Izaho dia... Iray, roa, telo, efatra, dimy, enina,

fito, valo, sivy. Marina izany. Ankehitriny, io, io ilay izy, folo. Eny àry.

¹⁴⁹ Iraika ambin'ny folo, roa ambin'ny folo, telo ambin'ny folo, efatra ambin'ny folo, dimy ambin'ny folo. Dimy amboniny izany. Iray, roa, telo, efatra, dimy. Tsara, tsara izany.

¹⁵⁰ Enina ambin'ny folo, fito ambin'ny folo, valo ambin'ny folo, sivy ambin'ny folo, roapolo. Iray, roa, telo, efatra. Efatra fotsiny no hitako. Roapolo, efa namaly ve ny roapolo? Eny àry. Ankehitriny tsy te-haka be loatra hitsangana eto indray mandeha isika. Ankehitriny raha vitantsika ny amin'ireto, ka mbola aloha be ny fotoana, dia haka sasantsasany amboniny isika. Isika tsy miantso... Angamba isika...

¹⁵¹ Ndao isika hanandrana vitsivitsy amboniny. Ndao isika hanandrana dimy amboniny. Iraika amby roapolo hatramin'ny dimy amby roapolo, ao amin'ny an'ny J, aoka izy ireo hitsangana raha sitrakareo. Iraika amby roapolo hatramin'ny dimy amby roapolo. Iray, roa, telo, iry amin'ny farany aoriania iry, efatra. Iray, roa, telo, efatra, dimy izay. Eka, ndao isika hijanona eo ankehitriny. Misy dimy amby roapolo ao amin'ilay laharana, ary izy ireo dia—milahatra eto izy ireo.

¹⁵² Ankehitriny dia hangataka fitia iray aminareo aho. Hanome ahy ny tsy voazarazaranareo ve ianareo... Omeo an'Andriamanitra ny fifantohanareo tsy voazarazara, mandritry ny dimy ambin'ny folo, enina ambin'ny folo minitra manaraka. Hanao an'izany ve ianareo? Ary hanao an'ity ve ianareo, hanokatra ny fonareo? Ankehitriny tsarovy izay nolazaiko. Aza mamela an'izany handeha ao an-damosinareo, tahaka ny rano miraraka ao an-damosin'ny ganagana, araka ny fiteny fahiny. Aza manao an'izany. Diniho Ity.

¹⁵³ Raha miteny zavatra aminareo izay tsy ao anatin'ny Soratra aho, ary tsy teny fikasana iray ho an'ilay ora, dia voafatotry ny andraikitra ianareo hijery an'ilay mpikarakara eto ary tongava hiteny amiko mikasika an'izany. Marina izany. Izaho—tsy mampianatra afa-tsy izay ao anatin'ny Teny aho. Ary raha mijanona tsara amin'ity Teny ity aho, ka milaza fa tahaka an'izany Izy, ary Andriamanitra... Ao amin'ny Baiboly izany. Raha niteny zavatra iray tamiko izay tsy tao anatin'ny Baiboly ilay Anjelin'ny Tompo, dia tsy ho Anjelin'ny Tompo izany. Marina izany. Tsy niteny zavatra tamiko afa-tsy izay ao anatin'ity Teny ity mihitsy Izy na dia indray mandeha aza, ary ianareo no vavolombeloko. Tsy nilaza zavatra anankiray mihitsy Izy, tamin'ny an-hetsiny sy an'arivony, sy ireo fitenin'izao tontolo izao, tsy nilaza zavatra diso iray mihitsy Izy na dia indray mandeha aza, na nilaza zavatra ka tsy niseho.

¹⁵⁴ Henoy. Anontanio ilay mpikarakara sy izy ireo eto. Ity hitanareo rehetra eto ity, dia ny ampahany kely amin'izany. Marina ve izany, rahalahy? [Hoy ireo rahalahy hoe,

“Marina.”—Mpand.] Nahoana, any, ary ao amin’ny fiainana manokana, rehefa hoy Izy hoe, “Mandehana mankany amin’ity toerana ity, dia jereo *ity*. Ary *ity* no hiseho. Ary lazao *ity* eto, dia *eto*.” Izany dia tsy ankitsahatra mihitsy, foana, hitanareo, mandritry ny taona. Ireo olona ao amin’ny mpanatrika dia mahita fotsiny an’ireo—ireo zavatra kely. Fa ankehitriny raha hanaja ianareo.

¹⁵⁵ Ankehitriny ny olona rehetra ao amin’ity laharam-bavaka ity ve, izay mitsangana eto, dia vahiny amiko? Atsangano ny tānanareo raha izany ianareo. Eny àry. Firy eo no, mahafantatra fa tsy mahafantatra na inona na inona mikasika anareo aho? Atsangano ny tānanareo. Ankehitriny raha mbola... Misaotra anareo. Tsy ahoako izay misy anareo, raha eny amin’ny rihana ambony ianareo, eny aoriana miankin-drindrina, eto ambany *eto*, na aiza na aiza misy anareo. Izaho dia...

¹⁵⁶ Ankehitriny, soa ho anareo ity. Ho an’ny tombontsoanareo ity. Hitanareo, ho an’ny tombontsoanareo ity.

¹⁵⁷ Nihevitra aho fa ny zafikeliko no niresaka tamiko teo, saingy tsy izy izany. Manana zafikely aho eto any ho any, izao hariva izao, saiky tahaka an’izao ny habeny, ary nihevitra aho fa i Paul kely ilay izy. Nilaza tamiko foana izy fa ho avy, hitsangana eo amin’ny lampihazo, history teny ho ahy, nefä dia mbola tsy roa taona akory aza izy. Heveriko fa mitady ny mamany io zazalahy kely io.

¹⁵⁸ Noho izany dia tsarovy, miezaka manampy anareo aho. Izaho... Andriamanitra no mahafantatra an’izany. Miezaka manampy anareo aho, hitanareo. Jereo ankehitriny, tiako ianareo hahazo an’ilay tombontsoa, raha ho avy eo anivontsika Izy.

¹⁵⁹ Ankehitriny eritrereto izany, ilay Jesosy Kristy Olona miasa ao amin’ny nofo, tahaka ny Nampanantenainy fa Hataony amin’ny farany. Firy no mahafantatra fa nampanantena an’izany Izy? [Hoy ny fiangonana hoe, “Amena.”—Mpand.] Tahaka ny tany Sodoma mihitsy, rehefa ilay Anjely niaraka tamin’ny Lamosiny nitodika, ary ilay... Andriamanitra izany. Mino ve ianareo fa Andriamanitra izany? Firy no mino fa Andriamanitra izany? “[Amena.]” Azo antoka, izany ilay izy. Ny Baiboly no nilaza fa izany ilay izy. Ary Izy, Jesosy, dia nanondro an’izany. Mariho ankehitriny.

¹⁶⁰ Ankehitriny ianareo eo izay tsy manana karatra fangataham-bavaka iray, tiako ianareo hanao zavatra iray ho ahy, na aiza na aiza misy anareo. Tsarovy ankehitriny, ireto zavatra ireto, mitandrema rehefa miteny aminareo Izy hoe sitrana ianareo, na izay Teneniny aminareo mba hataao. Tandremo izay Lazainy. Raha miteny aminareo fotsiny Izy, dia ny hampiorina ny finoanareo izany. Ary amin’izay fotoana izay rehefa tonga eo amin’ny toerana iray ny finoanareo, dia atsory

fotsiny ny tànanareo ka maneke an'Andriamanitra. Tsy izaho ilay izy, satria ny Ray any An-danitra no mahafantatra.

¹⁶¹ Mijery an'ity laharana eto ity aho, tsy mahita olona iray izay fantattro aho. Tsy afaka mahita afa-tsy olona roa na telo aho ao amin'ilay mpanatrika manontolo, izay fantattro. Ary tsy fantattro raha, izao ankehitriny izao, afaka milaza aho, maneho anankiray. Fantattro fa teto i Edmund Way minitra vitsy lasa izay. Nihevitra aho fa nahita azy, ary izaho—izaho tsy nahita...

¹⁶² Raha tsy diso aho, dia tena mahita olona iray aho izay fantattro, dia lehilahy iray sy ny vadiny, ary zazavavy kely iray, antsoina hoe Fritzinger, avy any Ohio. Io ve, ianao ve no rahalahy—Rahalahy Fritzinger? Mipetraka ao anatin'ny karazana faribolana kely iray ianao izay... Io no Rahalahy sy Ranabavy Fritzinger, avy any Ohio, sakaizako.

¹⁶³ Ary ankoatran'izay, mipetraka iry aoriana iry, dia ny... Hitako eo amin'ny ilany eto, dia lehilahy antitra iray ho lasa roa amby sivifolo taona, amin'ny anarana hoe William Dauch. Izy sy ny vadiny. Mpampivelona iray izy. William Dauch, any Ohio, tena sakaizako manokana mihitsy. Vao tsy ela akory izay, izy dia, iraika amby sivy folo taona, tratry ny fahavoazan'ny fo tanteraka, aretim-po, ary niantso ahy ny vadiny, mba ho tonga teo no ho eo, teo am-pahafatesana mihitsy izy tamin'izany. Ary teny...

¹⁶⁴ Efa tena sakaizako akaiky tokoa izy. Teny amin'ny lâlako hijery azy, dia nanahy aho. Ary nijanona aho, ka ny iray tamin'ireo kodiarako dia tsy nahitsy, nanimba ny kodiarako ho potipotika fotsiny, dia niditra tao amin'ny tobin-tsolkika Texaco iray aho, naka lasantsy kely, dia nivoaka izy ireo, njery an'ilay izy. Ary niandranda aho, ka nahita an-dRahalahy Dauch nandeha tao amin'ny fiangonako, nandray ny tànako. Hoy aho hoe, "Deraina ny Tompo." Dia nitodika tany amin'ity ilany ity aho, ary indro izy tonga teo an-dàlambe, ary nandray ny tànako. Nandeha nankany aminy aho.

¹⁶⁵ Hitako ny dokoterany, Jiosy tanora iray, na lehilahy eo amin'ny taona antenantenany, lehilahy Jiosy. Dia hoy aho hoe, "Ahoana ny aminy, dokotera?"

¹⁶⁶ Hoy izy, "Tsy manana anjara iray hiady akory aza izy." Hoy izy, "Eo ambanin'ny tranolay misy rivotra izy." Hoy izy, "Ho faty avy hatrany izy." Hoy izy hoe, "Tsarovy, iraika amby sivy folo taona izy."

Hoy aho hoe, "Eny, tompoko."

¹⁶⁷ Hoy izy, "Fahavoazan'ny fo tanteraka ilay izy. Tsy misy na inona na inona azo atao." Hoy izy, "Izao no fotoana handehanany."

¹⁶⁸ Dia hoy aho hoe, "Eny, tompoko. Saingy, tsia, tsy handeha izy. Izay ihany."

¹⁶⁹ Niditra aho, nametraka ny tànako tao ambanin'ilay tranolay. Hoy aho hoe, "Rahalahy Dauch, afaka mandre ahy ve ianao?" Nijery ahy izy. Ankehitriny ny tena marina, ao amin'ny anarany, Alemandy iray izy, D-a-u-g-h, fa izaho dia manonona fotsiny an'ilay izy hoe Dauch, hitanareo. Ary izaho—ary nametraka ny tànako tao ambanin'ilay tranolay aho, ka hoy aho hoe, "Mandre ahy ve ianao, Rahalahy Dauch?"

Hoy izy hoe, "Hia."

Hoy aho hoe, "Tsy handeha ianao. Efa tena hitako fa tsy handeha ianao."

¹⁷⁰ Herinandro taorian'izany, nitsangana tao amin'ny fiangonako, iza no tonga tao amin'ilay fiangonana fa tsy Rahalahy Dauch! Niala tao amin'ny favoriana aho ary nandeha teny ampitan'ilay renirano, tao amin'ny kafeteria iray, mba hihinana. Ary rehefa nivoaka ny fiara aho, ka nandeha teny an-dàlambe, dia indro tonga Rahalahy Dauch niaraka tamin'ny tànany nitsotra. Tsy diso ireo fahitana.

¹⁷¹ Fa io lehilahy iraika amby sivifolo taona io, ary manaraka ny favoriana rehetra, dia tany California. Hanangana ny tànanao fotsiny ve ianao, Rahalahy Dauch, mipetraka eo, mba hahitan'ny olona hoe inona marina ny tena miaramila iray ankehitriny. Indro, mipetraka eto mihitsy, hitanareo, iraika amby sivifolo taona, ary manaraka ny favoriana rehetra. Rehefa any amin'ny tabernakla aho, dia mamily fiara an-jatony maily isan'andro izy, mba hihaino ahy mitory toriteny kely iray, dia miverina. Andriamanitra, "Hisy Hazavana amin'ny andro hariva."

¹⁷² Nilaza aho, indray andro raha niresaka taminy, hoy aho hoe, "Inona no azoko hatao ho anao, Rahalahy Dauch?"

¹⁷³ "Fangatahana anankiray fotsiny, Rahalahy Branham. Rehefa tonga Izy, dia te-handeha hiaraka Aminy aho."

¹⁷⁴ Hoy aho, "Aza manahy. Tsara antoka izany. Azo antoka." Ankehitriny, niditra ilay lehilahy, natao batisa, oh, niditra ary nandray ny batisan'ny Fanahy Masina sy ny sisa, mpanompon'i Kristy iray mahafinaritra fotsiny.

¹⁷⁵ Ankehitriny dia hangataka ny olona rehetra aho, ho tena hanaja, mijere aty ary mivavaha.

¹⁷⁶ Mpampianatra firy eto ankehitriny no mahafantatra fa Izy no Mpisoronabe, izao ankehitriny izao, izay azo kasihan'ny fahatsapan'ny fahalementsika? [Hoy ny fiangonana hoe, "Amena."—Mpand.] Eny, raha Izy no tsy miova omaly, anio, ary mandrakizay, ary ilay Mpisoronabe iray ihany, dia hanao tahaka an'izany ihany Izy. Izao fotsiny, Izy, ny Vatany dia ao amin'ny...eo amin'ny Seza fiandrianan'Andriamanitra. Firy no mahafantatra an'izany? ["Amena."] Eo amin'ny Seza fiandrianan'Andriamanitra ny vatan'i Jesosy. Fa mampiasa ny vatantsika Izy mba hanehoana ny Tenany, tahaka ny

Nampanantenainy fotsiny fa hatao. “Ireo asa izay Ataoko no hataonareo koa.”

Hangataka anareo hipetraka tsara aho, hanaja, hitandrina, hivavaka.

¹⁷⁷ Ankehitriny, Ray any An-danitra, efa niezaka ny ho tena manaja aho araka ny fahalalako hoe ahoana no hanaovana azy, mikasika an’izany. Ankehitriny teny iray avy Aminao fotsiny ankehitriny, Tompo, ary amin’izay fotoana izay dia enga anie ilay Feo kely milamina, hidina manerana an’ity mpanatrika ity ka hanao hoe, “Izaho ity; aza matahotra.” Ekeo izany, Ray. Ary apetrako Aminao ny tenako, miaraka amin’ny Hafatra izay efa voatery izao hariva izao, miaraka amin’Ny Teninao ho voamarina. Tsy voatery hanao an’izany Ianao. Fa raha hanao an’izany Ianao, na manao an’izany Ianao, satria Ianao no nampanantena fa hanao. Mivavaka aho mba Hanekenoa an’izao, amin’ny Anaran’i Jesosy. Amena.

¹⁷⁸ Ary ny olona rehetra mba tena hanaja, tena hanaja mihitsy. Manao ahoana ianao? Ankehitriny dia hanome anareo ny Soratra aho arakaraky ny andehanantsika. Raha manao ny Tompo, tsy fantattro. Saingy fo- . . . Ary efa nitory teny tahaka an’izany aho, hitanareo, karazana hosotra anankiray izany. Karazana hosotra hafa iray izao. Izany dia nitahy fotsiny. Ity, zavatra anankiray fotsiny, manala ny aina avy ao aminareo mihitsy.

¹⁷⁹ Ankehitriny dia mitsangana eto ilay ramatoa. Tsy mbola nahita azy mihitsy aho teo amin’ny fiainako. Vahiny ve isika? Mino aho fa ianao no nilaza, vao teo, fa tsy nahafantatra anao aho. Andriamanitra no mahafantatra anao. Mahafantatra ahy Izy. Fantatralo ve fa izay itsanganantsika eto ankehitriny, dia tsy maintsy hamaly ny amin’izany isika amin’ny Andron’ny Fitsarana? [Hoy ilay anabavy hoe, “Amena.”—Mpand.] Fantatralo tsara ve izany? Fantatralo ve fa izay hataontsika ankehitriny, dia hanao antsika hamaly ny amin’izany Andriamanitra any ambony any? Miteny an’izany ho an’ny tanjona iray fotsiny aho. Ankehitriny, raha hanambara amiko amin’izay ataonao ny Tompo Jesosy, izay ao an-tsaina, na zavatra tahaka an’izany, dia hino an’izany ve ianao? Tsy maintsy hino an’izany ianao, sa tsy izany? [“Amena.”]

¹⁸⁰ Hino an’izany ve ianareo eo, ianareo mpanatrika? [Hoy ny fiangonana hoe, “Amena.”—Mpand.]

¹⁸¹ Ankehitriny isika dia mitsangana tahaka an’ilay vehivavy teo amin’ny fantsakana marina tokoa, sy ny Tompontsika, lehilahy iray sy vehivavy iray mihaona voalohany. Hitanareo? Eto isika, mihaona ho an’ny . . . Izany dia ny Masindahy Jaona ny toko faha-4. Ankehitriny raha hilaza ny Fanahy Masina . . . Raha eto ianao ho an’ny olon-kafa, raha marary ianao, raha olan’ny tokantrano izany, raha olana ara-bola izany, na inona na inona ilay izy, tsy manana hevitra aho. Fa Izy no manana. Fa Izy no

afaka mamantatra an'ireo eritreritra izay ao am-ponao. Izy no Teny. Izaho tsy afaka. Lehilahy iray aho. Mikorontan-tsaina kely fotsiny ianao, ary izany no antony anaovako an'izao, hitanao.

¹⁸² Izany no iray amin'ireo olanao, dia fikorontanan-tsaina. Marina izany. Ary tratry ny diabeta koa ianao, izay ilay zavatra hafa izay tsy mety aminao. Marina izany. Fahasarotana, zavatra maro mihitsy no tsy mety. Marina ve izany? Raha marina izany, dia atsangano ny tànanao. Hitanao? Mino ve ianao fa hanasitrana anao Izy? [Hoy ilay anabavy hoe, "Mino aho."—Mpand.] Mino ianao? Ankehitriny, ny fikorontanantsaina dia vokatry ny taonanao, hitanao, saingy hiala aminao avokoa izany ankehitriny. Ary mino aho fa amin'ny finoana dia handeha ho any Kalvary isika, hahazo famindrana Rà iray.

¹⁸³ Ankehitriny, izany marina tokoa no Nataony. Niteny tamin'ilay vehivavy teo amin'ny fantsakana Izy hoe inona ny olany. Ny azy dia vady be loatra. Ny anao dia inona... Heveriko fa fikorontanan-tsaina izany, ary zavatra roa na telo amboninny no tsy mety aminao. Marina izany, sa tsy izany? Ilay zavatra iray ihany izany.

¹⁸⁴ Ankehitriny, rehefa nanatona an'i Simona Izy, dia niteny taminy Izy hoe iza izy. Mino ve ianao fa afaka miteny amiko Andriamanitra hoe iza no anaranao? Hanao anao hino bebe kokoa ve izany? Hanao izany? Rtoa. Strong... [Hoy ilay anabavy hoe, "Stout."—Mpand.] Stout, hino ve ianao? Mandehana ary minoa, ary ianao... Nifarana daholo ilay izy. Amena.

¹⁸⁵ Avia. Mino ve ianao? Vahiny aminao koa aho. Tsy mahafantatra anao aho. Andriamanitra no mahafantatra anao. Mino ve ianao fa afaka manambara amiko Izy hoe inona ny olanao? Ary raha manao Izy, amin'izay fotoana izay dia ny Tompo Andriamanitra anie no isaorana. Marina ve izany? [Hoy ilay anabavy hoe, "Eny, marina izany."—Mpand.] Ankehitriny tsy—tsy mila manahy, hitanao, izany dia—Izy izany, izany tsapanao izany. Eny ary. Ianao dia mijaly ihany koa nohon'ny zavatra mikorontana, korontana ara-tsaina, ary mora tohina. Ary mijaly amin'ny aretin'ny tatavia ianao, misy zavatra tsy mety ao amin'ny aty, ary tsy ampy rà ianao. Marina izany. Ianao dia manana zavatra iray... .

¹⁸⁶ Misy lehilahy iray tsy mitsaha-miseho eto. Mino ve ianao fa Andriamanitra dia afaka hanasitrana anao? [Hoy ilay anabavy hoe, "Eny, mino aho."—Mpand.] Hanasitrana ny vadinao, ihany koa, hanao azy ho salama? Mihevitra ve ianao fa hiala ilay aretim-bavony, ary ho tena tsara izy? Mijaly amin'izany izy. Mandehana apetraho eo aminy ny tànanao, teneno aminy izany, ary izany dia—hiala aminy izany.

¹⁸⁷ Vahiny aminao aho. Ny Tompo Jesosy no mahafantatra antsika roa, sa tsy izany Izy? Mino ve ianao fa afaka manao anao ho salama Andriamanitra? Raha ny Tompo Jesosy no hanambara

amiko ny zavatra izay . . . hoe ianao dia . . . izay ao am-ponao, dia hino ve ianao fa hanao anao ho salama Izy? Manana aretina iray ianao. Ianao dia tratry ny—ny—ny aretin'ny aferon-tatavia, ho an'ny zavatra anankiray. Ary ny zavatra hafa iray, izany no nahatonga ny tatavianaو hanana zavatra maratra iray, fa izany no nolazain'ny dokoteranao. Ankehitriny, ny zavatra hafa iray dia, hoe te-handidy an'izany izy ireo. Marina tokoa izany. Tsy marina ve izany? Ankehitriny mino ve ianao fa afaka miala amin'izany Izy? Mihevitra ve ianao fa ao Aminy ny finoanao? Ankehitriny dia fantatralo fa tsy izaho no manao an'izany. Mino ve ianao? Eny àry. Mandehana, ary araka ny inoanao, dia hatao aminao anie izany.

¹⁸⁸ Samy vahiny isika, heveriko. Ny Tompo Andriamanitra no mahafantatra antsika roa. Mino ve ianao fa Izy dia afaka hanambara amiko an'ireo zavatra izay hanampy anao? [Hoy ilay anabavy hoe, “Eny, fantatralo izany.”—Mpand.] Ianao, mino ianao fa ho afaka Izy. [“Pozitifa.”] Izaho dia milaza . . . “Pozitifa,” tena tsara izany. Tena mahafinarithra izany. Ankehitriny dia manana zavatra maro tsy mety ianao, fahasarotana maro sy ny sisa, sy toy ny kohaka, ary tsy mety afakao ilay izy. Ary tena mikorontana ianao. Ary—ary izany, marina izany.

¹⁸⁹ Avy eo, manana enta-mavesatra iray ianao ao am-ponao, ary io enta-mavesatra io dia ho an'ny olona iray, izay ny zanakao lahy. Ary izy dia tratry ny—ny olana iray, olan'ny tokantrano iray. Izy sy ny vadiny, mifamaly foana izy ireo ary manohy . . . ? . . . Ary mavesatra entana ny amin'izany ianao. Marina izany. Ankehitriny minoa amin'ny fonao rehetra, dia hilamina tanteraka izany ary ho lasa. Minoa ankehitriny. Ny Tompo hitahy anao.

¹⁹⁰ Manao ahoana ianao, tompoko? Vahiny aminao aho, ary—ary vahiny amiko ianao. Ary izany dia—izany dia manomboka . . . Ireo fahitana ankehitriny, mahita aho, toy ny hoe miha-mazava ilay trano manontolo, toy ny hoe karazana tadio iray no mihodinkodina. Hitanao? Saingy mino ve ianao fa ny Tompo Jesosy dia afaka hanambara amiko hoe ho an'ny inona no itsangananao eo? Mino ve ianao fa hanambara Izy? Izaho dia mino an'izany, ihany koa. Miresaka aminao fotsiny aho, mba hifandray amin'ny fanahinao, ho an'izany marina tokoa no anaovako an'ilay izy. Hitanao, tsy mahafantatra anao aho, noho izany dia tsy maintsy ho zavatra izay ankoatrako no manao an'ilay izy. Tsy maintsy manala ny tenako manontolo fotsiny hiala lavitra ny tenako aho, mba Hanaovany Izy tenany an'ilay izy. Azonao ve?

¹⁹¹ Ankehitriny, zavatra anankiray, ianao dia mijaly amin'ny aretin'ny fikorontanana goavana, ary io aretin'ny fikorontanana io dia efa nandrity ny fotoana viitsivitsy. Marina izany. [Hoy ilay rahalahy hoe, “Marina izany.”—Mpand.] Ary io aretin'ny fikorontanana io no nahatonga anao hanana tosi-drà avo, ihany

koa. Ary efa nanana famelezana iray ianao. [“Marina izany.”] Izay ilay izy. Hono ho’aho, na ianao efa mpitory teny iray, na ianao mpitory teny iray. [“Izy aho.”] Ankehitriny dia mpitory teny iray ianao; nahita anao nitsangana teo amin’ny polipitra aho. Noho izany, manàna finoana an’Andriamanitra, dia hiala aminao io fikorontanan-tsaina io. Ny mpitoriteny rehetra dia manana an’izany. Ho tena tsara ianao. Mandehana miverina eny amin’ny polipitranao, ary mankatoava an’Andriamanitra ka mijanònà marina amin’ity Teny ity, Jesosy Kristy.

¹⁹² Mino ve ianao fa niala taminao ny aretin-damosinao, mipetraka eo amin’ilay seza? Mino an’izany ve ianao? [Hoy ilay anabavy hoe, “Eny.”—Mpand.] Eny àry, tompoko, noho izany dia manohiza mandroso fotsiny, manao hoe, “Misaotra Anao, Tompo.”

¹⁹³ Avia, ramatoa. Manao ahoana ianao? Mino ahy ho Mpanompony ve ianao? [Hoy ilay anabavy hoe, “Azo antoka mino aho.”—Mpand.] Eny àry. Mino ve ianao fa io aretin-dramatoa io, aretim-behvavy, dia hiala aminao? [“Amena.”] Mino ianao? Noho izany dia mandehana, manaova hoe, “Misaotra Anao, Tompo.”

¹⁹⁴ Aretin’ny voa, aretin-damosina, ao amin’ny lamosinao. Mino ve ianao fa hanasitrana anao Andriamanitra ary hanao anao ho salama, amin’io? Mino ve ianao fa hanao anao ho salama Izzy? Eny àry, raiso ny . . . ? . . .

¹⁹⁵ Avia, ramatoa. Vahiny aminao aho. Raha tsy nilaza na inona na inona taminao aho, mihitsy, dia hino ve ianao fa eto ny Fanatrehan’Andriamanitra mba hanasitrana ny marary? [Hoy ilay anabavy hoe, “Izany tokoa, mino an’izany aho.”—Mpand.] Hino ianao? Eny, raha mino ianao, ny aretim-bavoninao . . . Efa niteny taminao aho, hitanao. Izany dia—lasa izany. Niteny taminao aho, hitanao. [“Misaotra Andriamanitra! Oh, misaotra Anao, Jesosy.”]

¹⁹⁶ Manao ahoana ianao, tompoko? Mipetraka ao anatin’ny fo Andriamanitra. Ary ny fonao dia efa naneho teto tamin’ny farany, fa ratsy. Mino ve ianao fa hanao an’izany ho tsara Izzy? Tohizo ny lâlanao dia minoa an’izany. Andriamanitra hitahy anao. Minoa ianao; hanao an’izany ho tsara Izzy.

¹⁹⁷ Mikorontana ianao, no nahatonga anao hanana aretim-bavony iray, vavony maratra. Manelingelina anao izany rehefa avy mihinana. Mino ve ianao fa lasa izany rehetra izany ankehitriny? Mandehana ento mivid� zavatra ho hanina ny tenanao.

¹⁹⁸ Karazan’ny saroatra ho anao ny mitsangana, efa nanelingelina anao mafy ny lamosinao. [Hoy ilay marary hoe, “Eny, tompoko.”—Mpand.] Tsy hanelingelina anao intsony izany, raha mino an’izany ianao. Hino ve ianao? [“Eny, tompoko.”] Eny

àry, mandehana, ary enga anie ny Tompo Jesosy hanao anao ho salama tanteraka.

¹⁹⁹ Inona no tena mampikorontana anao? Mandehana fotsiny, manaovala hoe, "Tsy hikorontana intsony aho," dia tsy hikorontana ianao. Mandehana dia minoa. Eny àry, tomoko.

²⁰⁰ Avia, ramatoa. Ankehitriny, ilay vehivavy Etiopiana, sy lehilahy fotsy, zavatra mitovy marina tokoa izay nihaona tamin'io andro io, tamin'i Jesosy. Nanana fanavakahana iray izy ireo tahaka ny nananan'izy ireo tany Atsimo taloha, fa tsy manana an'izany intsony isika. Navelan'i Jesosy izy ireo hahafantatra fa ny olona rehetra dia olon'Andriamanitra. Tsy nisy fahasamihafana, hitanareo, na Jiosy izy na Samaritana.

²⁰¹ Ankehitriny, raha tsy manampy anao Andriamanitra, dia hanao anao ho kilemaina tsy ho ela mihitsy io aretin-kozatra io. Nefa mino ve ianao fa hanampy anao Izzy, hanao anao ho salama? Tahaka ny nataon'ilay vehivavy fotsiny, tohizo ny lâlanao ary teneno amin'ny olonao hoe zava-dehibe toy ny inona no nataon'Andriamanitra taminao. Eny àry.

Ankehitriny, misy mpandidy anankiray vonona ny hamoaka antsy iray.

²⁰² Vetivety fotsiny. Tsy ity vehivavy ity izany. Ankehitriny, vetivety fotsiny, ny olona rehetra aoka hanaja ankehitriny. Izany dia—izany dia i Satana, niezaka hanao zavatra iray. Ity ilay izy. Fivontosana, fivontosana, ianareo roa. Marina izany. Tratry ny fivontosana ianareo, tratry ny fivontosana izy, ary miantsantso vonjy avy amin'ilay iray hafa io devoly io. Fa ny Fanahy Masina dia miantsantso, ihany koa. Iza no hinoanareo, Izzy? Eny àry. Mitsangàna miala eo amin'io fandrian'ny marary io, ramatoa. Mitsangàna miala eo amin'io fitondra-marary io. Mitsangàna miala eo amin'io, dia minoa. Mandehana, minoa Azy ankehitriny. Amena.

²⁰³ Mino ve ianareo? Ny zavatra rehetra dia azo atao. Mino ve ianareo? Ahoana ny aminareo ao amin'ny mpanatrika? [Mifaly avokoa ny fiangonana sy ireo vao avy sitrana—Mpand.]

²⁰⁴ Ndao isika hitsangana izao ankehitriny izao. Izao ankehitriny izao no fotoana hanaovana an'izany. Aoka ny olona rehetra... Andriamanitra hitahy anareo. Aoka ny olona rehetra hitsangana izao ankehitriny izao. Omeo an'Andriamanitra ny dera. Atsangano ny tànanareo.

²⁰⁵ Misaotra Anao, Tompo Jesosy! Midera Anao izahay nohon'ny Fahalehibeazanao, sy ny Fanasitranaao ny marary. [Mifaly ny fiangonana—Mpand.]



*NY FIJOROANA VAVOLOMBELONA TENY
AMBONIN'NY RANOMASINA MAG64-0307*
(A Testimony On The Sea)

Ity Hafatr'i Rahalahy William Marrion Branham ity, izay notoriana tamin'ny Teny Anglisy hatrany am-piandohany ny Sabotsy hariva, 7 Marsa 1964, tao amin'ny Soul's Harbor Temple ao Dallas, Texas, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2017 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org